



芑野詩鈔卷二

武進

唐



芷園先生王嗣衍閱定

山陰孫

讜椒圃氏選

讀漢書元后傳

簞食堂前駐錦鑣  
渭陵風雨自蕭蕭  
已移漢祚為新祚  
猶辨黃貂與黑貂

玉符金匱若為真  
賺殺當年丙殿人  
一璽拳拳空愛惜  
銅駝和雨泣秋旻

答許祥趾揚州見懷兼呈焦庶常昆仲

愁眠夢初醒  
鳥語聚晨光  
白社人何在  
蒼葭水一方  
戲言翁伯短  
醒酌次公狂  
最憶禪關靜  
疎桐一雨香



賦得官閒地僻常鋤菜

官舍鳴琴對芳草藤梢橘刺空繚繞垂簾無事屋廬深  
雀啄風簷人悄悄行盡深山又是山清泉漱石何潺潺  
牒訴不聞聲倥傯惟聞花落鳥間關灌園池上日相見  
簞笠芟衣蕉葉扇荷鋤帶晚植新柔林宗韭花杜陵莧  
青玉盤中自剪蔬琅玕碧海仙人茹裴俠未妨餘菽麥  
隱之多事饒溪魚

神女圖

組織出自天孫機摩空白描神女姿薄縠織羅抹烟霧  
受卷靈山夢天姥蕉花爲伴鶴爲姻凌波微步瀟湘浦  
君不見許飛瓊瑤臺細作步虛聲又不見明星女環珮

珊珊風中舉江頭行雨不肯回竊得靈丹月宮去

披衣坐春晝

披衣坐春晝鳥鳴樹影瘦微雲眇天末淡烟出閒岫春  
日尙遲遲碧月掛空秀呼童掃蓬草攜袖摘荳蔻暢然  
登平臺展眼觀宇宙

春日齋中有感

縱然舌在不如瘖拭眼還能看陸沉覺地鶯花疑入蕘  
昔年乳酒釀成今折腰禮數方三拜叉手文章溫八吟  
幸得抽身藜藿下陸離書卷坐春深

每從寂處起心兵誤點飛花世網嬰文勒北山終有恨  
風吹南岳豈能平低人楊柳腰先軟得水鷗鷄眼倍明



誰遣春光浩無主頓令杯酒失身輕  
客帳憂眠昔夢遙匣中空枕劍吹毛然犀照海曾逢怪  
上棟騎危反教猱偏仄行吟愁地窄虛無想像覺天高  
不知人世當誰健十丈黃塵洗濁醪

野雪軒文讌得鹽字

寂寞寒牕筆退尖幾忘刻雪畫無鹽春禽解語初調舌  
社燕尋人又入簾舊雨只今懷杜甫停雲千古屬陶潛  
此間大有新詩句好韻平頭信手拈

卽事

天桃出空谷佳茗貯新瓷偷眼修文處傷心叙坐時鴉  
媒遺後悔蝶使易前期昔夢闌珊久庭中草木知

絕句

盤結青松根松陰覆茅屋幽人日日閒長鏡刷黃獨

寄蓼亭

時客江上

人座青山多識面喚愁芳草長齊腰依然閉戶饑難療  
便有澄江渴未消風曳殘聲猶嘯竹月明千頃漫回潮  
春來重有鷄豚社又恐梅花早見招

九月二十日

晝陰如晦方酣睡懶起支炊折脚鎬小疾正堪偷暇日  
淒風且莫作秋聲閨中搜篋貧無那膝下牽衣累匪輕  
欲學樊遲營稼圃拋殘編簡更非情

一樽聊復試新芻倒卧關門果壯謀窮達早知身外事



醉醒同在夢中遊三條銀燭空垂淚九日黃花羞上頭  
擁被高吟呼不起寒蛩牀角伴殘秋

立冬後三日大風

萬木寒林葉如掃江城小市關門早天公號令無文字  
大風催人着絮襖棋亭頓長買酒錢農婦豫儲襲牀草  
津頭獨客急歸去黃塵撲面愁欲倒

性不解奕棋馬掉客有嘲之者作二詩解之

黑白隨其形勝負緣所用中分天下半割據席間縫三  
百六十一一逐羣動橫如常山陣曲折嫺整控堅如  
馬服軍壁壘守輜重畧地或取邊破賊或擣空棄甲或  
誘敵遇劫或成訟項羽重瞳子叱咤猶擁衆可憐湘東

上一目拱手送紛紜人間世如夢鄒魯闕試向靜中看  
造物真戲弄哂彼爛柯人作此夢中夢

湘簾短閣下晨昏無定期無事得相集馬掉不復疑晝  
席鬪角立宵燭雙虹垂小子伏壁聽不許外人窺惟聞  
簾馬聲捉掉分成虧赤眼猶卜夜忘餐寧忍饑急客來  
叩門反受僮僕嗤此法俑者誰盛於明季時籍籍公卿  
間非此不相知雅謔未爲虐風流固在斯但恐百事廢  
冉冉歲月馳歲月何足惜念我形神疲

感事書示巖洽兩兒

饑虎愁到門懸簿宜走空飄忽來無鄉如矢容或中東  
牕一編書藏身逾守甕嘯歌天地寬此外俱倥傯古來



明哲士踏地猶恐痛不見阮嗣宗閉口餘一縫  
日耀衣裳鮮蟬蛸正楚楚何當得意時權傾鼠變虎物  
理固其然奮臂已不武徧體成鈎衣於事竟何補疎狂  
慎勿學嗟峨坐榛莽數讀馬援書削伐當斤斧

十一月十一夜夢舍弟書說子重楚歸明春約  
同過江上相探并巖兒偕來

夢裏傳書識卯君饒州音信汝先聞情同蟋蟀悲秋菊  
人隔關山憶暮雲錦浪片帆歸歲晚蓉江合棹及春分  
懸知膝上王文度猶帶桃花韻面紋

阮酒

此酒予與芋莊月采偶感於竹林之意而以阮籍

爲宗盟也又謂之鹽豉酒飲酒無苛禮無酒監無  
主客無美饌來者不迎去亦不送

每對醇醪憶阮公風懷千載一尊同但令散髮眠花下

且免深文坐獄中

錢明逸謂揖讓而飲如牢獄中

幾粒青鹽鳴齒頰一盃香豉沁心脾蕭然放箸逃禪去  
最是清真滿腹時

醉鄉徑路不孱顏若待傳呼會面慳此席不煩分主客  
相將同到鹿門山

却聘

一諾給曹丘浮名鞭項斯潛魚固勿餌棲鳥何當羈  
積書劍愁行釀兒女悲雲鴈散城邑我獨留中遠感彼



尺素書負君千里思後會如可期重繡平原絲

遊仙古體三章效李長吉

去手分雲散成綺蔚藍天開九萬里飛飛黃鶴翔天庭  
扶桑若木如風靡吹笙散髮憇十洲一醉牛死橫千秋  
山中老蛟一千年洞堂水漬凝濕烟墮螭交蟄雷雨集  
飛騰欲覆東南天拔劍捕斬還山邊黃膏口血流古涎  
銀河撇浪騎鯨來冰輪斜壁雲半開鸞裾綵繚刷幽翠  
月娥送入瓊瑰臺兔耳雙尖齊玉杵長伴仙人桂花樹  
有無盡藏春風自徙倚

畫梅

聞香不知處洗硯池邊是朶朶墨痕鮮盈盈照空水中  
白從圖書啟河洛厥後人事劓天工青山破却無字碑  
大塊日夜流丹紅芒刃碎蟣蝨軋茁不可窮艾軒磊落  
人而乃屑屑鑄魚蟲家住蘭陵城南有竹屋數椽蓮塘  
半畝雕鏤撰刻于其中鳳鳥書科斗文智埒秦丞相巧  
過楊子雲砉然嚮然奏刀騞然庖丁區區何足云懸針

鐵筆吟

金鐵柔切玉琅玕摧配偶如列陣錯節如置棋赤者文  
如齧丹砂蝕支機白者文如刷霜稜裁玉枝應手怪石  
落脫手神珠馳舌橋不能下咄咄歎所稀我有一片石  
粗厲不可治不足辱君技出手拙言辭何以持贈君貫  
酒言寸心君其爲我小篆文我其爲君鐵筆吟鐵筆吟



言長不可罄未盡此中趣猶擁殘妝半窺鏡此中理趣  
難爲外人道紛紛名下徒爭競少陵作歌稱李潮書法  
通神貴瘦硬

一竹齋

虚心真我師勁節亦良友千竹與萬竹義從一竹剖  
龍公一个竹鷺兒一盃醪真賞已不孤其餘強爲續

牀頭一束書

牀頭一束書具色馨香味染指管龍羹悅耳得鳳吹風  
過荀令座花驪西施醉幽人自欣賞已取還復棄

癖狗

東吳有癖狗毒口齒如磨領下垂兩髦圓睛炯箇箇縮

項龜怯冷腫背駝重荷掉彼續貂尾往復繞跼座其穴  
依缺繫虎踞當門犬噬人飲人血渴若三日餓何必撩  
其鬚張牙待所過豹聲寒巷厲封豕頰爲佐風雪客暮  
歸隣里畢稱賀慚愧道無恙投骨咽垂唾

送蓼庭子重同遊歸德

才高鬱積厭柴荆千里芒鞋結伴行翠竹倚風雙袖薄  
黃花滿地一程輕封侯客帳秋塵染濯錦仙鄉穀浪滌  
爲報座中安節在使君應識遠來情

和陳曾起悼亡三首

垂雲香夢隔春塵記縮同心縷帶新應悔章臺看柳色  
歸來不見畫眉人



自掩香羅去不還  
摻摻久放剪刀閑  
青袍舊製那堪着  
多少傷春淚點斑  
塵拂空牀簟欲流  
檀郎獨坐舊妝樓  
合歡繡被閑拋却  
羞殺鴛鴦兩白頭

艷詞

千金不抵春宵貴  
何處留歡花下醉  
香熱鴛鴦蒙繡被  
鐘聲已斷人歸未  
月轉空牀成獨寐  
相思片片銀雲沸  
赴試後經黃洞壩  
舍舟從陸途中口占贈楊二

子舍

自笑江東老秀才  
兔園俛倖列鄒枚  
幸毋似我心偏銳  
少不如人志已灰  
頽壩冰橫黃洞合  
荒祠雨過白龍回

前村倘有高陽社  
暫洗儒酸仗客杯

不瘦

予由不作商州吏  
只恐無由辨頸顚  
雜氣偶然過隴右  
木枕榔上恰成胚

絕似安南海石榴  
不同文木好瑤鏤  
還疑虺蜴成包裹  
混沌蒙頭未出頭

癸酉九月初六夜雨

半夜夢魂顛倒一  
庭風雨離披子美  
苔生及榻淵明菊  
敗壓籬

滄海移來桑下浮  
槎安在屋頭誰補  
媧皇石罅免致天  
公淚流



七年九年水旱堯湯一歲相兼今年六月大旱悔煞操豚祝音  
雨而今龍嘴失尖俗云富陽溪頭龍嘴沒則下田之穀不登

柳枝詞

夾岸垂楊最深處門前小玉嬋娟是依稀記得自髫齡  
宋玉東隣劇相戲戲拈春草鬪春暉為賽花嬌浥花淚  
攜手彈棋燕子樓盟心拜佛嵩陽寺異日相嫌暫相見  
不肯書空學唐字縱有風流上眼波恨煞楊花少才思

甲戌花朝祀少陵先生于玉川之拙存堂

百花潭上浣花翁酌酒浣花花更紅留贈浣花詩一卷  
我儕醉詠春風中巨刃摩天碎珠玉稜星拾取填空腹  
尚友先生千載上何處招魂曲江曲恭裁短章前致詞

神兮恻怛來於斯蕭條異代一樽酒瞻仰遺像無言師  
夥願好會誰處所香草常稱漆園可聊當祭賽集賓朋  
憚老董生吳季我大家拜舞樽壘間飲中八風殊不闌  
前人作詩後人醉倘得羅列羣仙班况是花朝氣婉婉  
林園卉木隨春轉梅花紅綻杏花白二月東風正吹滿  
自今草創張瓊筵花落花開不記年杜酒頻拈應佳節  
先生長在百花前

楊子舍易圖書贈五首

讀易窮年道益腴芸花滴露曉研硃乾坤叶夢塵勞靜  
樓閣凌空雪月俱誰向九宮尋舊製只緣一畫變新圖  
針鋒銳處嬉遊盡來往閑閑得似無



假將安樂作行窩還向伊川脫病痾渾世一元過巧歷  
安心千劫任流波書同前箸工於借義釋春冰凍不呵  
友人得邵子經世書字訛簡錯不能解子舍借讀較正之盡釋其義今日異同須質証小  
車隨和踏春歌

矢志窮經世味捐直探河洛費精研鑿開混沌神斤運  
通轉璣衡列宿躔

作河洛數十圖有自一至十分拆者有圖感書應以圖入書者有外圖內

書合成百數圓象者手弄一丸娛暇日口銜萬象語忘年箇中甘

苦無人會飲啖義媧不受羶

前身疑爾是童烏慧質天成豈怪迂三畫夢吞通廣莫  
九師閣束似薪芻行行小篆縈春蚓片片輕翳薄夏帖  
一首回文看曼衍竇家織錦比來無

行四千九十六卦圖縱橫皆六十四

馬指難爭是與非謀身皇極具違依龜藏著草披青霤  
雀啁梅花墮翠微四象既通觀衆妙百年未滿善諸機  
增衍皇極舊數自一爻不離披樽酒黃昏候粉月團團  
動通二三四五六爻俱動 屢帽歸

### 輓楊二子舍

斯人斯疾正愁予問字春亭事已虛大雅云亾天憤憤

谷神不死夢蘧蘧涕零時灑陳蕃榻

去冬抱病下榻三月 腹痛頻

回阮籍車彈指三生情未了案頭疊報秣陵書

城西家塾已成空猶憶橫橋度晚虹半里草花香徑澁

雙檠燈火夜牕通

予令子姪輩師事之

虛懸茅蕝三年事終欠春

風一月功魯國諸生齊下淚合箋小疏拜文翁



鳳杳圖沉歎德衰看君天上跨南箕幽明終自疑文度  
生世空教識紫芝無主鶯花鋪爛熳不情風雨怨離披  
隨他修短人間世冷煖其中只自知

料無利刃堪裁玉何物春風欲刈蘭題墓有言心未死  
論交不惜歲猶寬焚香讀易幾无悶閉戶攻詩羨考槃  
胡便匆匆登鬼籙爛斑墨汁未曾乾

燒紙荒原雨洗蕪千年黑月豈重蘇空零沒後樽前淚

誰贈生前雪後襦有子琴書終可托無妻貧賤不曾俱

子含獨居十六年從今默會蒼天意總為連城罪褐夫

佛耳齋

香火菩提任所依望空卜築啟烟扉江心片月容分影

馬首東風暫息機無相光中身是刃有聲聞處事都非

一龕棲息元來穩不羨朱門燕子飛

自知泡影非真宅不廢哦吟合此居况是故園花落後

幾番今雨客來疎易奇靜印南華意左癖潛移太史書

圓沙先生謂予有史記癖若問養生通貨殖箇中消息竟何如

五月十二日以秋菘酒飲香草翁

獨許三人自往還糟丘小築翠微間浮來玉液天然白

照入榴花怪底殷彭澤雲停清興在竹林星散舊緣慳

當年痛飲西園夜不負春風放胆頑

昔與芋莊月采在衡縱飲屢月

九日元復堂浣花讌集用坡公九日南樓韻調

董二叔魚



不共纖腰胡可說芙蓉一夜相思發涼颼又釀浣花天  
小雨滿城泥滑滑錦瑟堂前屐聲碎奔走泥濘脚不襪  
柳枝已屬東諸侯涎垂渴飲弗容呬瑁璫心情如中酒  
死便埋休隨荷鍤嗟哉董生奈若何世罕憐才皆欲殺  
今日重陽雨初霽郭外日高千丈刹登臨興懶歸去來  
別尋雅調相磨軋東平公子梨園部玉鏡臺成看塲壓  
寧披紗扇莫投梭憐君齒豁音猶齧是日演溫嶠謝鯤事叔魚豁齒我  
發狂言君可省戲打鴛鴦欲驚鴨曲闌深處不成眠零  
亂蒲塘水聲雪

元復堂再疊前韻

佳話流傳到今說龍山落帽秋風發今人長遜古人愁

當筵止聽歌喉滑小部梨園花似錦秋塵學步凌波襪  
日飲村酒菰蒲中容易香醪供一呷半醉頽唐著禪悅  
嗣曾著禪悅編手執毛錐利如鍤書生誕語說空虛筆底金戈  
氣蕭殺雷霆磔鬪茅屋下四壁風尖受羅刹時出硬句  
聲鈎輈力欲排空天地軋料君不作冬烘面風月應分  
一肩壓花開花落總不知此夜十三嫌月齷元復堂前  
簫鼓歇燈火紛拏亂鷺鴨又有一番公案存畱話千秋  
人語雪

乙亥正月十二日星聚堂觀雪和東坡聚星堂

禁體韻

庭槐見花不見葉棲鳥饑號十日雪短衣誰復荷長鏡



黃獨無苗山徑絕但覺此時天宇靜不驚流韻風篁折  
隔年蛛網颺些微犯曉人踪印明滅我隨長鬚着屐過  
齒澁頓仆相牽掣漫拈吟筆呵手僵且索酒杯舒面纈  
壓地愁雲正慘慘出磨堅冰猶屑屑髭髮鬢髻陵谷哀  
虛空粉碎風花瞥江天萬里封一色古碑無字吾能說  
春鴻點綴三兩行大塊文章筆如鐵

秋蘭

黃磁一斛泥種分九畹芳楚騷舊相識復邁君子堂千  
箭百箭茁一月兩月香謹辭酒肉羶不入羅綺場空谷  
還本性珮服猶見傷秋風吹薜蘿隨波各飛揚  
作詩恐難似唐突被譏諷由茲品格高不許知者衆琴

清時靜對茗熟有餘供幽香凝古禪雅韻寂羣動東臯  
涼月上葉紛露華重蟋蟀鳴牀頭和香入宵夢

宙亭長老之楚道經毘陵同人餞行

一葦輕裝下梵宮盟鷗暫爾約收篷傍花問訊秋將半  
揀樹移談日過中沽酒可宜謀惠遠燒豬應復待坡公  
定知歸篋收雲夢日泝湘南筆底風

送蓀服之燕和送宙亭長老韻

擬將碣石拜南宮書畫船移未放篷坐整詩囊桐葉下  
頻開社甕菊花中長筵噉月猶容我廣廈談天孰與公  
搖漾神京秋色麗一程輕送鯉魚風

蕪城



紫塞蒼梧雉堞橫  
鮑家詞賦舊蕪城  
鹽田葶貨銅山利  
磁石封關鐵馬迎  
羽檄晨飛來北極  
鞞刀宵響鎮南營  
話殘青史千年事  
都作江濤日夜聲

玉勾洞天

碧甃寒巖別有天  
華胥噩夢已千年  
非關避世尋源入  
疑是乘船落井眠  
玉樹花香舒月隴  
珠簾石響激風泉  
榜書青篆分明在  
知屬天台第幾仙

二十四橋

春風十里綠迢迢  
一首詩傳廿四橋  
碧月曾經簫篴逐  
玉人何處海天遙  
花開水國江娥語  
露濕青臯木魅號  
只有竹西饒鼓吹  
六朝金粉未全銷

平山堂

不奈山堂戀客何  
平蕪悵望一悲歌  
溝溝燕雀翻空瓦  
點點牛羊下短坡  
錦樹縈文疑永叔  
曉雲堆綠艷陳娥  
迭興迭廢人何在  
吊古心情半折磨

丙子正月虞山夫子來常州  
詩示改作陳壽史  
傳大意次韻二首

毛錐三寸說炎劉  
曾向師門借一籌  
書味案前鷄剩肋  
文誇海外蜃成樓  
江南花濺經時淚  
蜀道鶻啼異代愁  
日手殘編隨杖屨  
放懷彌覺浩難收

圓沙詩格薄元劉  
漫興連篇不記籌  
拂水春深聊卜宅  
先生近居琴川花  
發又登樓  
婪杯杜甫大作社  
雪涕唐衢



工迸愁提掇乾坤終有憾瑯玕溲勃一齊收

容江趙二安山滿樓用山字韻

樓開面面對青山梳掠烟巒十二鬟萬態橫陳湘箔下  
一層直上翠微間疑將圖畫閑舒卷意與松雲共往還  
几坐山牕風更滿飛花和蝶點衣斑

次韻贈顧子周二首

鍊空還實際不逐水雲來春到梅顏破風和柳眼開酒  
酣瓶未罄棋罷局頻推遊戲人間世浮生莫浪猜  
橋邊容納履何獨古人然携手橫雲渡攀轅釀雪天蝸  
爭心不競牛解目無全共有奇書癖連朝作小圓

楊大茂實續舉浣花詩會

重拈杜酒破春寒戲假霜威不放寬

子以事遲赴芋庄雲湘飛簡疊至云

杜工部先生不許也

勸客樽頻覓從事有梅花許作都官雨吹几

帖詩脾潤風度園林屐齒乾獨自留髡須更酌草玄亭

北久盤桓

曲闌又放一庭梅頗費司花點染來舊格橫斜容待月  
新粧濃艷促傳杯籠紗好護香奩薄剪燭貪看寶焰開  
料得錦江花更滿也應浣就上春臺

雲溪

水融雲影護青蘿柳曳烟絲掛綠波自有江湖千頃意  
不驚欸乃一聲過

歸來



歸來緩緩沿芳溪裁詩覓句詩無題團蒲大坐觀白晝  
水光上下斑簾齊蓬牕人靜饑鼠出瓶壘有米無多粒  
屋後山童挑菜還足躡白雲猶帶濕

閒閒道人歌

春風妝點芳菲節綠柳緋桃盡行列閒閒道人穿徑歸  
看徧繁花醉眼纈萬事劍頭吹一呖箇中豈是無分別  
輕蒙雲影卽沾污力掃冰澌原觸熱行遲遲醉兀兀虛  
空不着夫何說月明山靜寂寥春時時吐出胸中雪

書憚南田畫燕

柔綠漲平溪東風迎舞燕來往柳陰深殷勤卽花片淡  
施天氣倩衿將莫令春光去如箭

櫻桃詩

櫻桃花結實何纍纍暗滋零露飮細長柔風吹江鄉入  
夏萬顆熟婦知薦寢兒朶頤筐之筐之和雨賣碧玉盤  
中色相射剩取殷紅三兩綴枝頭黃鳥加餐鸚鵡罵

春晚

波泛蘋花水沒陂前裙春去已多時柔柔帶雨鳩呼婦  
芳草兼泥燕乳兒

芭野詩鈔卷二終



芑野詩鈔卷三

武進

唐惲宸



芷園先生王嗣衍閱定

山陰孫

讜椒圃氏選

古漁父

醉臥蘆花灘潮落孤舟閣等閒信風去萬里無依着長  
竿拂滄溟短簑掛碧落生涯水面是妻孥共安樂且莫  
轉船頭陸地風波惡

延陵懷古

延陵公子舊祠堂徐冢相望歲月長宿草形模留古蹟  
掛劍臺下艸形大書深刻類春王品題不是推宣聖聲  
如劍可療心疾  
價誰知過子臧千載斷碑重合璧  
十字碑斷而復續痕跡旋滅直隨



劍氣貫穹蒼

當年歷聘自風流此日空山拜冕旒野祀不妨隨土俗  
特書曾見重春秋蒼涼臺榭夫差恨零落簫篴伍員愁  
所幸一坏君子墓幾經風雨護松楸

嘲雪

朔風十日惡凍雲停不流上下陵谷變一夕皆白頭平  
林鳥聲絕凝結百草憂蔽盡江南春青松獨颺颺颺颺  
聲感激天地終爲愁便令潔如玉不足供雕鏤就令白  
如綿何益寒士裘春畦恣揮霍浪占無田疇敝蓆塞牖  
隙趁逐尖風搜旗亭酒價增摒擋沽新篳出門步偏仄  
足滑不可留何時獵晴原射雕馳鳴騶

江上聞歌

清漪瘦石碧於藍滿地濃花帶藥愁滴盡興亡無限淚  
猶聞商女唱江南

春風

春風如美人靚妝金縷衣盈盈桃李花欸欸蝴蝶飛園  
林澹宕至百草皆芳菲攢新濃綠暗扶舊嫣紅肥狼籍  
弗深惜殘英綴枝稀雙燕踏簾鈎銜花水際歸

鸚鵡

自呼吉了慧偏多縲紲中間語半訛香稻尙餘些子粒  
賺他蠻舌念彌陀

傷春



杜鵑灑淚啼紅樹燕子銜愁蘸綠波刻意傷春春又去  
不知情思爲誰多

贈董將軍

酌以枇杷桑落之佳醞饋以冰盤藿葉之紅魚揮以辟  
塵掃氛之羽扇誦以赤松黃石之秘書保障百里江之  
南干霄劍氣連城瑜君才豈可徒區區笑談警效羣奔  
趨帳下健兒勤五祀一軍寂靜無驚詫不聞犬吠桃花  
村坐張帷幄春城夜長卿武騎非其好石渠天祿特相  
藉雅歌投壺清宴間緩帶輕裘鈴閣下我欲躋階病未  
能三載僵卧心怛怛聞君海內青雲器况復燕之爲弟  
兄禮數從寬花下飲高談末座容儒生他時展驥足願

爲導前纛玉勒金鞍踐落花笳鼓爭喧春草綠

夏至前二日浣花於拙存堂卽限浣花二字

薰風自天來溽暑空齋滿日午海榴明紅映綵衣袒昔  
年記此日浣花花纂纂迎神復送神絲竹人燕衍今日  
天氣佳浮雲淨如浣散髮立花影折簡邀花伴天闊騷  
人哀情永柳絲短忽憶浣花期三年魂夢斷

薛濤井須汲文君酒當賒又致灤西翁復來濠上家酒  
澆蘭陵縣人簪杜陵花木石皆可親相思天一涯食餒  
飫犀箸飲福翻麴車分題記事詩彌月始拜嘉諸公字  
珠玉珍珠洵堪誇雷同毋乃羞瘦語如食蛙

問松



問松松不語靜默固其理忽然天風來又聽波濤起  
憂擊比金石更張當瑟琴人抱棟梁器木奏虞姚音  
風高韻絕壁萬慮醒一咄問答兩忘言松門聽秋月

浣花寤言堂得使字爲楊大鳧令餞行

弱骨凌秋我病起黃花夾路君行矣居者煢煢行者勞  
貧病相憐只如此十年京邸長作客不戀江南舊桑梓  
青鞵布襪歸去來去歲不知誰之使片時談笑不暖席  
楓橋雷塘無定止一帶蘇臺書卷中二分明月行囊裏  
好景頻攜北燕去新詩攬入東吳美作社瓊筵每念君  
浣花詩人徒屈指拾遺載酒蘭陵縣擬執霜螯嗅霜蘂  
此時買舫渡滹沱回首南雲悵然耳惟有詩箋日相寄

寄我草聖書連紙詩話重重積翠山別情欸欸回流水  
知於後會更何地屢送明駝越千里

食荔支和坡公送江公著元韻寄錢碩齋

閱盡吳山浮越水泉州荔支正甘美知君飽食賦新詩  
曾否江南念唐子交涪比泉嗟道遠絳衣仙人乏雙履  
山猿偷取枝頭鮮老饕鎮日垂涎耳智效一官惠安令  
解饒勸我別閭里垂垂山路如繁星一竹兜盛我看喜  
河豚之腹江瑤柱坡公謂荔支果中無比惟江瑤柱河豚魚近之耳頗同異味  
動食指果能頓頓食荔支驀澗綠山吾與爾

藥淵

客從長安來貽我一片月中有金蝦蟆時時吐玉液積



久漸成淵蛟龍擬爲窟白玉築坑塹黃金啟阡陌瀛洲  
襟帶間烟波坐來闊鏡浪綠可掬棲霞黛如潑魚戲唼  
鱗鱗鳧浴飛拍拍芙蓉雜菱芡藥苗紅間白一藥舍萬  
象醞色粵淺碧疑近藥珠宮花藥夫人宅

莊二雲湘書舍初成

先生築室爲鍵關倚檻臨流咫尺間喜有層簷巢燕雀  
幸無疊砌碍雲山蜂遊書幌尋香遍花壓簾衣映水斑  
好似舟居容鼓楫行人莫浪咲疎頑

移居

三徑新開費掃除入簾花氣襲人裾相看乳燕能留客  
不事流鶯更卜居插柳可將朱戶掩種蕉惟待綠牕書

獨餘秋興年年是桂子飄香憶舊廬

贈劍俠

咸陽小忿胡足數恩怨相隨半寰宇昨宵何處雪深窵  
撇我危樓嘯風雨

白馬磯

巴丘山下石高撞飲窟嘶風俯大江絕似峩睂千尺雪  
捏成奔驥口飛淙

采石磯

江水蒼茫照鐵衣將軍一旅震天威舟人喜說開平事  
忘却宮袍醉月歸

燕子磯



磯頭花落下重巖滿地殘紅燕子銜不道任公垂釣處  
羣爭白小又呢喃

出門

出門得得來採藥緩緩去竹筐綴秋花楓橋鏡紅樹恰  
從山陰道疑人天台路側徑墮樵聲始依樵子住

壬午小春得孫名千里戲和長吉唐兒歌

睂髮靜娟如刷翠睽睽神光照眸子阿戎識是青雲器  
騏驥初騰渥洼水五花縮結青驄尾引鞵材官着半臂  
坐整千里當霜蹄伯樂經過勒名字春日縣弧自有以  
龍門習射攀桃李

題畫

奪得春光不放歸畫樓臨檻玩熹微一羣小鳥喧書幌  
無數閒花落釣磯

水漲

水湧山鳴風滿湖夜深疑是水跳珠明朝雪浪高千尺  
又見彭郎戲小姑

趙子昂八駿圖引

想見漆沮汧渭間天生神駿供天閑盡弛控制十萬匹  
崩騰陵谷如雲烟就中八駿最閑靜畫者如山獨文敏  
似諳馬性通馬語以矢盛筐溺盛振最先赤驥賽火槽  
次者照水名驊騮一疋倒翻一疋牽落紅軟襯青苔錢  
黃踰白兔真龍出黃河水激鳴濺濺只有盜驪渾黑色



雪塢橫傾三斗墨更覺耳後風颼颼兩馬驅馳齊努力  
青鬣撓渠山子白絕跡行空限八極最後一疋驟驥名  
不搖不動江之濱黃金絡頭碧玉韉桃花徧體騰春雲  
天下凡馬幾萬疋趙子一掃空馬羣一掃空羣筆愁禿  
管中生馬如破竹前有溪池後巖谷中開平野散羣牧

賦畫馬用山谷韻

胸中先作千里行兩耳如聞風雨聲真龍出水墨縱橫  
直令十幅鷲溪透肉不癡肥骨不瘦英爽突兀羞棧豆  
一口百戰如鉄驄四蹄雷電驚老翁掃轡常沾汗血紅  
坐月得皆字  
東風吹我襟明月入我懷湖山坐未久客席乃得皆煑

茗集羣彥剝芡談空齋夜几厭紅燭秋池憎白蛙論事  
直如矢桀彘多力排風靜落帆輕雲木相和諧棲鶴暖  
歇歇驚鳥鳴啾啾出門咲語喧爛銀鋪一街

詠懷古蹟十八首

赤壁

舳艫連鎖大江頭白浪排天戰未休可惜月明空對酒  
不知箭重已回舟烟銷檠戟乾坤淨水沸魚龍日直愁  
也是東風故相便獨令公瑾擅風流

關侯瀨

何有吳儂咳唾聲千秋寒瀨已成名荊州半壁偏師在  
漢柱中流隻手擎鉦鼓時驚喧夜渡風雲不散護前營



區區湘水東西界殘局相持據一枰

仲宣樓

高樓百尺漫登臨楚客飄蓬寄越吟望闕功名傷蔓草  
倚闌心事急秋砧嘶風鐵馬愁無限立雨銅駝淚不禁  
况是依人倍蕭瑟鄉關回首暮雲深

籌筆驛

受託難辭汗馬勞巴江迢遞駐旌旄運籌決策蠻雲護  
握筆沉思漢月高十倍才名圖遠大三分恢復計周遭  
中原倘盡抒經畫豈獨天威靖不毛

八陣圖蹟

蒼茫古蹟鶴鷺羣雪淨沙明體勢紛誰識神機藏石蘂  
只看壁壘對江濱蛇蟠焰焰吞三峽魚復年年駐六軍  
信有卧龍鱗甲在人間何處不風雲

赤岸府庫

霜清府庫裕儲胥壯士緣崖樹羽旗閣北火燒軍退後  
橋南水落成歸時百縑待貯秋風好十月誰云冬賜遲  
濫賞不行財用節非關管鑰有專司

萬里橋

握手河梁日欲斜烽烟萬里動長嗟連吳重使憂元老  
出蜀殘山送落霞戎馬過於棋局緩風情何啻酒杯賒  
當年片語題橋後一路迢迢到浣花

八濛



勲名不讓勒燕山立馬會題霄漢間字比銀鈞看體勢  
強逾鐵騎駐邊關三分鼎足調羹沸丈八矛頭飲血殷  
多少斷碑風雨後只今巴月自彎環

永安宮

玉殿千年呈薜蘿永安宮側少人過風高鼠雀翻縹瓦  
日靜松杉韻綠波村鼓逢逢春社集花竿子子女巫歌  
可憐蜀主更祠廟啼血聲乾杜宇多

樓桑村

寂寞孤城殘照裏人言先主舊村居樓高西北浮雲迥  
樹老東南葆蓋虛三顧門前龍蜿蜒萬秋宅畔木扶疎  
君臣一體傷搖落偶過桑陰蹙憇車

銅雀臺

魏武崇臺勢絕倫俄辭玉輦漫生塵欲儲五夜添香婢  
已着他年賣履人路草青青如送客帷堂寂寂亦傷春  
花光柳色西陵下撩亂東風了不嗔

七十二疑塚

恐遭異代樊崇毒珠玉函邊問罪辜處處山陵人叵測  
行行松柏鳥頻呼生前竊國陰謀險夜半藏舟腥氣孤  
聞有諸夷封土事海隅逐臭未全誣

凌雲閣

誰許般輪竊化工凌雲臺起洛陽東顛搖綺閣如春女  
手執花枝倚晚風伊闕烟消睂嫵闕盟津日射眼波紅



置身千載閒凭眺幾閱興亾夕照中

嘯臺

滄海橫波何處是蘇門山下得安瀾靜聽萬籟怒號寂  
長嘯一聲天地寬月黑未經摧戰壘臺高不屑借漁磻  
秋風空谷人間世傳語時流齒頰寒

嶼磯廟

日暮荒磯翠幄涼惠陵烟草夢劉郎吳江激灩攄君淚  
蜀道盤紆轉妾腸端爲三分頻往復可真一女係興亾  
數聲殿角松篁雨猶似弓刀響洞房

二喬宅

破瓜年紀近桃天籍甚江東大小喬皖口風流誇得鳳  
舒城曲度待吹簫花分金屋枝相亞春鎖銅臺夢未消  
今日腰支尙依約秀英亭畔柳條條

濡須塢

偃月城邊曙色微濡須灘下楫生衣輕陰夾岸青臯濕  
遠渚粘天白鷺飛夜醉斫營聊試膽春船戲水未成圍  
羣雄霸業今已矣剩與滄江一釣磯

狼石

狼石偃臥如跛羊嚙草棲風臨大江眼前古人不可見  
石上雄心誰肯降輔漢元臣自忠武開吳霸主真奇麗  
對坐論兵是殺賊青天湛湛飛流淙

觀秋九首



秋空

衆山木葉脫四宇廓清境蟬鳴不知樹鶻落何處影天  
高放眼闊氣肅觀心靜浮雲閑往還目送度前嶺

秋露

空庭月色淒曉起溥白露承盤沃枯荷研硃滴芳樹干  
叢野花泣一夜寒蛩飮尋聲覓秋根褰衣濕芒屨

秋嶺

宿雨洗秋嵐日薄松頭潤風高鳥道下巖冷人跡僅側  
垂野菊斑險縛碧蘿韜振衣凌太虛獨立頂千仞

秋塘

上下同一碧如鏡復如毅利剪風無痕靜照月可掬衰

渠瑟涼意白花搖遠目中有蕩舟人浩歌千頃綠

秋香

秋風吹古香飄揚滿天地研北小山移籬東一尊置蕭  
爽奪春妍清幽入禪味霜柑承佛手灑然西來意

秋柳

長堤車馬稀疏柳風擾擾剩葉棲露蟬懸絲釣寒潦樵  
岸晚烟薄漁塘殘月曉惟餘栗里門霜菊伴秋老

秋鴈

瑟瑟江湖秋野鴈肅行列幾聲天外哀一字雲間沒南  
塘影碧波別渚叫明月驚亂荻花飛疑帶衡陽雪

秋瑟



梓瑟泛松風哀絃咽危柱似有傷心人忽地秋空語悲涼固其理省妙從何取間續紅蕉聲瀟湘夜來語

秋夢

牀頭古劍鳴孤月入相訪悄悄不自知荒荒益諸妄綠蕉襲冰簟青槐蔭綃帳鐵馬驚西風不到羲皇上

午日飲酒口號

讒人機關彼婦口千秋遺恨三閭叟武關峻黽塞阜懷王入張儀走昔日離騷經今日菖蒲酒試問汨羅江上水奈耶楚耶猶在否畫船一片採蓮歌青山六里空如斗

塞下曲

射騎羣爭塞北功春來柳色滿營中東風拂草驚狐兔戍婦連鑣試畫弓  
塞上梨開三月寒白封雪嶺未曾殘莫言羯鼓催春去暑服皮裘是可汗

牽牛織女次杜少陵韻

明星何晢晢三五方在東織女與牽牛競云此夕同秋河空淡泊薄霧光朦朧豈必無媒妁越境私相通豈必無橋梁駕虛度蒼穹機絲逸駮女犢鼻脫頑童年年明日曉二曜還故宮瓜果滿庭除蜘蛛罍簾櫳別淚作曉雨離腸霾終風綿綿日月思皎皎河漢中不知始何年石爛情未終我亦聞此語心事徒忡忡明知斯語妄秋



吳陳曲衷鬱鬱萬里志卜以尺寸功黃楊累置閨驪珠  
乏先容乞巧文難好送頑禮益恭神光多奕奕鑒察宜  
至公風土記到今文字洵稱雄

座右

座右銘真率堦前勤掃除焚香縈短箔臥榻玩奇書臘  
酒先春熟寒梅帶雪舒客來工翰墨隨意寫牕虛

離情

黃惜菊花艷赭憐楓葉肥年年秋色裏仍是不會歸

龍樹王乃西方第十四祖也相傳七月二十四

日爲祖之誕辰

七月二十四龍樹生西方深山大澤中攝衆羣稱玉樹

雨爲出入晦明合行藏倏忽變化間猶衣被冠裳少通  
四韋陀晚登大法堂建中豎茅蘊石窟開邊疆道傳十  
三餘臥聞雷殷牀外法刃術興隱現出其旁卓錫南印  
度神飛適茫蒼聿知天帝怒修羅紊紀綱飄風吹戈矛  
金鎖懸銀鐺中天殺氣黑北地陣雲黃紛然手足墜始  
信非荒唐愈驗法器真吾道日汪洋現身明月輪道場  
聞瓣香龍泉鉢水滿磔下洗針忙人人滄海珠四顧雲  
翱翔須彌親杖屨色象空金湯距今二十禩侍者傳芬  
芳同師不同時易世而鴈行

題惲士尊禪悅編用坡公九日黃樓韻

月黑千年無可說光輝一夜從君發慣乘無底鐵船行



不怕前途石頭滑君自持齋兒女咲頭戴冠巾脚羅襪  
西方妙諦類醍醐渴飲流霞豈容呷君曰不然吾更有  
禪悅機鋒利於錘書生放誕說空虛語似春溫氣秋殺  
雷霆礫鬪茅屋下戰勝而肥納羅刹偶蟠險韻出摩圍  
更上危峰飛騎軋平生不飾冬烘面花月應分一肩壓  
三春詩爲浣花忙此夜酒嫌初月齧長筵不散絲竹沸  
王母無言捧金鴨是日夢庭尊堂壽誕又有一番公案存青鳥流  
傳人語誓

三涯

潦草吾生信有涯經營蝸舍比無家備荒學圃多栽芋  
省力耕山淺種茶風馬掉頭名士夥春鴻繫足故人除

目結寰中伴日日攜筇話晚霞

和惲士尊感懷韻

風裂冰漸凍啄檐計窮伏枕病方淹鵲穿雪窖知先備  
鼠竊燈膏覺懶添會約南山看射虎翻同卜肆訪垂簾  
何時全伯逢仙術默運神斤劖舌尖病久語失故音

訪隱士不遇復次前韻

繞屋松杉翠滴檐琴書無恙此中淹花從猿鳥枝頭笑  
雲白溪山空去聲處添天塹長緣藤作路洞門虛設木爲  
簾尋芳地僻歸來晚知在羅浮第幾尖

臘月種得月季花一株三次前韻

新分月季長齊檐嫩蘂陳根只誓淹秋草盡隨霜後改



春葩偏向雪中添幾時爛熳蜂成蜜隔歲招邀蝶映簾  
不怕殘冬微霰集故教隣女印鞋尖

書屏四次前韻

雪汗門前略掃檐出家寧爲在家淹衣穿怪衲連雲補  
食缺空山採栢添陋巷午餘茶款客壞牀定起月侵簾  
多年隨分龐居士何必高談佛頂尖

新月五次前韻

一彎纖月掛茅檐三月哉生景尙淹鈎墜只應波底覓  
眉疎又倩墨痕添漁人剖蚌猶殘魄虛室凝光半隔簾  
好似天公搔癢處麻姑鳥爪印雙尖

悼士尊索和詩見過并致臯聞六次前韻

詠懷索和到晴檐卽事分賡故久淹細語窮愁詩善借  
閒澆塊磊酒頻添梅因雪釀常窺牖病畏風欺不捲簾  
最憶君家昆季好短箋飛渡白雲尖



芭野詩鈔卷四

武進 唐惲宸



芷園先生王嗣衍閱定 山陰孫 讜椒圃氏選

題莊幼宏小照

畫名姬駿馬  
萬樹梅花

名姬駿馬天下稀盡入君家畫圖裏古人得一兩相換  
此兼趙璧秦城美左右紅顏捧劍函騁逐霜蹄頃千里  
雄姿悅坐帷幄中生殺持衡壓軍壘勒兵鼓噪酣戰餘  
狐兔潛藏荆棘圯惜未躋攀陳力列拜手明堂錫弓矢  
書生草莽歸去來馬尙如龍姬玉比披圖服御梅花下  
飲徹金樽粘落蘂清高刻意誰與侔剪取南枝照江水

風竹



勢與秋風競臨池一派斜吼空聞虎豹動地影龍蛇岬  
強腰疑折從橫字恐差浮雲幾掃盡明月滿山家

雪竹

雪深麀白戰逕與竹相逢卸甲騎鹽虎迴車護籜龍沙  
尖遺鳥跡涓徑没人蹤更出琅玕頂瓊瑤次第封

人日

人日題詩寄草堂縷金剪綵要差強寒餘猶愛禁風閣  
午後先尋得月廊險韻澁吟摩几淨奇書快讀引杯長  
春光應共梅花發天意陰晴自付量

春深

一簞麥飯充饑腹六尺繩牀睡方足不知落花如許深

但覺濃陰簾子綠

黃鸝每自相爾汝綠楊掩映絲千縷曉來高坐罵春風  
怨殺桃花下紅雨

山齋

赤壁名人句青山隱士廬文章司馬潔禮法步兵疎

晴

雨聲簷未歇日色嶺頭明短堞聞搗鼓平沙曝濕旌蜂  
鬚和蜜潤燕尾掠波輕行旅頻來往江邊浪不驚

樂神曲

孫兒拜舞男舉杯東風颯颯神若來神兮醉飽欲歸去  
風馬雲車歌且舞上下歡喜何所言但願降福如今年



大肉肥鷄弗論價歲歲爭先作春社

### 催租行

蠶事未了官租催文書么喝騎驢來急官輸租事可喜  
贈汝青蚨買醉耳門前盤石大如拳午陰借坐閒要錢  
輸贏杖頭可一醉爾我莫教多折費

### 楊叛兒

儂歌踏浪兒銅斗酌春酒傾囊三百錢買魚貫江柳君  
醉菖蒲花經過劇孟家今朝楊叛歌一曲明日血劍棲  
殘霞

### 採蓮曲

爲搗吳江浣紗女白鬪燕入荷花語春餘水滿葉田田  
髻底風掀花舉舉磯上嬉春年少郎烟絲曳縷釣垂楊  
藕根深處徘徊久記取南湖空斷腸

### 可愛中秋月

可愛中秋月冰盤徹底明戍樓何處是羌笛此時情  
可愛中秋月白晝絕昏曉磨礮照水亭踏踈安巢鳥  
可愛中秋月冰心掛玉壺借得如椽筆題成水繪圖  
可愛中秋月洗淨烟巒界一幅屏障開幾筆丹青畫

### 漁翁 用柳柳州韻

西渚餌魚東渚宿月明良夜吹橫竹來朝水面執漁竿  
釣碎滄浪千頃淥岸闌帘高酒百斛醉看蜂蝶閑相逐

### 射訓狐 用昌黎韻



嘯梁非鬼復非狐鳥名訓狐聲厲呼星滅月黑百蟲匿  
彼獨夜吼何其粗飛來昏暗停我廬張喉大叫似有須  
陰風怒號助聲勢三光潛伏腥泥塗薰人惡氣皆欲殺  
孑然一身絕衆雛卵翼醜類悉可憎事無小大多勤劬  
耄荒倚老高自置兀艱來去東南隅瞥爾怪見風脚黑  
側身轉望雲頭烏強弓勁矢  
肉斷血濺命須臾  
金珠百斛氣一縷眈眈雙目空睢盱片肉殘汁各分去  
狗猪不食髑髏枯

楊白花

和柳柳州韻

楊白花飄揚弄春水夕魏朝梁不自由碧雲日暮行千  
里枝上黃鸝故惱人驚覺春眠頻打起

古東門行

和柳柳州韻

西川健兒頗能軍身披輕甲如秋雲北山積貯塞烟霧  
墉櫛京坻不可數潛出摩圍照日光絕類猛虎驅羣羊  
蹂踐紛紛棄甲走殺賊爭誇若干首一炬焦土遺可憐  
虎威建號如碑口川中俟命赤帝符生靈塗炭誠何辜  
一將功成霸王起膽足容軀差可擬明日經行視戰場  
戟折矢遺塵數里黃旗半捲東方補賊臣俟倖據中土

老鶴

老鶴凌秋舞鳴臯刷羽毛千齡綿日月萬里試風濤冠  
蓋乘軒累裳衣濯浪高在陰閑啄雪身重半溪篙

橫塘曲



橫塘風浪惡，訇天怒捲寒。城郭橫塘風，浪平低飛水。面  
鴛鴦輕鴛鴦，低飛宿何處。十里蘋花江上住，誰家女兒  
掛簾鈎。目斷天涯淚如雨，去舫歸帆眼底明。歷歷晴巒  
徧江樹。

關山月

馬上關山吟，秋月何蒼莽。四路風蕭蕭，時聞馬蹄響。野  
火燒未息，征夫釋車仗。行見萬里愁，木葉夜蕭爽。居人  
抱衾卧天際，夢夢想戍婦。淒涼遠行客，愁思織作關山  
月。

將軍行

袒裊暴虎果，腹破虜無衣。尙可無食殺我天子，擢將稠  
人中將軍自爭邊塞功。糗糧詔賜三萬斛，軍士桀石腰  
纏克絹帛，詔賜三百疋。軍人半裁旗上紅，惟餘秋水寫  
翎刀。逆塵一掃千人空，戰勝歸來晚。將軍心更遠，駿馬  
易黃犢。耨耨換箭鏃，齊唱太平歌。家家播新穀。

卜居

卜居幽谷裏，一葉泊前溪。野樹連雲暗，孤城落照齊。山  
高疑月小，水滿覺橋低。白屋誰憐客，青燈獨杖藜。

江干

砧杵千門急，關河萬里寒。雲濃芒屨濕，風勁布袍寬。聽  
月宜閒曲，携樽且照顏。燈光虛獨夜，旅夢落江干。

秋林



秋林舒遠目僻墅冷魚罟樹染濃如醉風輕淡若無干  
畦芳草歇一色稻花腴明月青燈暗洲前鴈影徂

春始至

草實含蒼翠春迴淑氣適白雲迎杖至明月任溪流香  
老巖花落林暄日色浮柳眉舒咲臉次第滿芳洲

山左道中

草店彈長鋏楊花撲蹇驢水聲依楚越山色入青徐蘿  
屋雲移暗松門月照虛親朋歌咲裏應悉數番書

餞梅

橫斜簾幙着春烟迢遞今朝各有天樓閣涼蟾尋好會  
關山細雨結前緣隨班碧柳眉先約接踵緋桃火欲然

一路香魂俱送別買花釀酒弗論錢

三五七言

黃鳥鳴樹影瘦觀空自在情旭日園林晝坐花執卷春  
風香把酒看雲敬亭秀

春已過賣無價綻殺碧桃花慣遭黃鳥罵樹色園林酒  
正酣秋千院落人初下

畫龍

黑雲生爪甲倏忽上空天起眠千尺水呼吸萬層烟

送陸子重遊齊河

泰岱巉巖限南朔蔭鬱齊魯枕京洛憶昔高唐茲管哀  
綿駒韻絕春城郭山嵐濃淡畫眉黛海霧昏沉建樓閣



正月氣淑旌旂酣  
河流水開鱸鮪躍  
子重年壯方盛時  
冠帶馳驅日相索  
寶轡銀鞍耀  
香塵勒馬黃金嚼  
江南雜花着樹生  
營前細柳攀條弱  
高睜遠目雙模糊  
望望飛埃入寥廓

採蓮曲

欲語又無言  
亭亭立空翠  
翠葢深自遮  
疑伴鴛鴦睡  
盪槳撇輕波  
花深不知處  
摘得一枝歸  
咲隔垂楊語  
欹葢借風翻  
平波因雨縐  
或是水跳珠  
美人濕衫袖  
垂實隱琅函  
懸鏡纔盈尺  
溪女低頭弄  
湖光沁衫碧

臨淄懷古

松柏歌殘泣夜烏  
齊宮基址盡榛蕪  
可憐數點牛山淚

滴盡雄心似草枯

野人居

野人居淡無慮  
漠漠游絲絕來去  
側徑鋪軟紅  
微風滾香絮  
橋頭宕漾酒帘青  
醉卧花陰最深處

野人居實瀟灑  
十里荷香明鏡下  
披襟風自過  
滴珠露微瀉  
落花水滿過迴塘  
護水鴛鴦弗可打

野人居最寂寞  
蟋蟀微吟對酬酢  
黃葉滿繩牀  
白雲滃草閣  
趺坐蒲團覺乍涼  
松風灑面藤花落

野人居絕淒冷  
雪砌霜簷光耿耿  
楫楸壓爐溫  
荻蘆垂戶靜  
擁衾寒夜五更風  
吹落鐘聲殘夢醒

先師楊起文先生贈句云  
黃石橋邊纔納履  
白



雲溪上莫披裘吟諷不足系之以詩  
先生帳拂水之濱坐久春風性道聞一逕流泉忘順逆  
半輪明月記殷勤圮前納履尊黃石溪上披裘抱白雲  
硯北詩囊遺句在文章翰畧兩平分

七月十五日

水流元不競閒坐向漁磯月白人欣賞天高鳥迅飛禽  
言蠻語亂穗古藥苗肥花片無心墮縱橫點客衣  
耳鬧真煩熱閒情世外聽月中聞鐵甲架下枕銀瓶樹  
吼松濤古泉分鴨浪青此身幾不着淺渚立蜻蛉  
聞說香巖寂叢林不徧參三番粥飯飽一枕夢魂甘摩  
頂航香國皈心禮佛庵八時禪筆健彌勒與同龕

南湖園林卽事

共說南湖好天空水影寒石能來米拜松可做秦官樹  
合窗皆綠雲深硯不乾有情俱若動簾外六朝看  
滿目江河異漫山橘柚黃水盈魚子躍亭古燕泥香翡  
翠窺荷蓋蜻蛉舞夕陽烟籠爐馥馥苔靜月蒼蒼  
亭古桐陰直天高鴈字明共畦花遞放隔樹鳥同聲古  
渡垂綸便叢山獵菓盈燈青衲子夢缺月愛同庚  
曲嶂亭銜翠飛花袖惹斑車隨鹿跡轉鄉逐鳥聲蠻鶴  
背橫桃影龍身印蘚顏蘂開羣蝶醉紅落有無間  
韻老傳空谷青帘漾竹村籠烟藤有蔭浸月水無根苔  
蘚古錢跡桃花字痕蓮鬚香世界獨鶴放秋魂



凡花鋪錦繡衆鳥盡來儀巧語鷓鴣嘯麗言鸚鵡欺白  
鷺唇嘴艷花鴨羽毛奇百舌無聲過黃梅飲水時  
未盡流觴與秋光兩岸多鹿奔銜細草鷗狎捲輕莎奇  
石遊徑仄小橋曲澗波行行歸路緩新月出巖阿  
岫仄臨池出山梁映水陰川原今古事雲雨去來心鶴  
韻三更約螢光一點尋秋風聲謾謾如聽隔溪琴  
意定山容靜觀空眼界舒欲窮天地物因著古今書磯  
浸波光遠雲歸嵐氣儲輞川圖畫裏容我老樵漁  
放浪詩情外縱橫酒態中海棠分几案蝴蝶上簾櫳瑤  
草縈書帶蠨螭吟筆筒扁舟蕩漾處樓閣面秋空

和昌黎赤藤杖歌

屋山植杖衆未窺排籤觸指相差池梅花微咲石臺上  
舉足超超頽嵬嵬空堂無人危性命兩骭顛仆頽扶持  
邇來當自覓坦途憑虛御風躬指麾杖兮萬一化龍去  
令我汗出涎淋漓幸生正直勿用憂歸乎詩翁杜拾遺  
手携輕便馭晨夕腹飽珍怪驚華夷有時踴躍一羽輕  
健足乘月登九嶷有時微酣騁雄俊拔劍跨海追蛟螭  
足乘快馬逐健兒不及老嫗能吹篴一朝放伊拍天去  
雲車霧轂吾所司

題東坡遊赤壁圖二首

文章擲地聲金石海外揚波盪胸臆蘇子吹簫泛赤壁  
沐日浴月江中央橫波長嘯天蒼涼此情千古遙相望



踏破名場能幾綱買舟赤壁鳴雙槳夜半推開月滿牕  
衝風鶴羽橫秋江蒲帆影斷瀟湘浦射斗光搖螿龍怒

層樓

更上高樓第一層數聲長嘯隔溪磨胸中一幅真山水  
付與丹青曹不興

分韻碩揆和尚十月桃花

疑同優鉢萬花稠一歲陽春坐兩頭帝妹旣歸猶灼灼  
漁郎重到自油油青鞵踏斷成蹊日紅雨紛來曬菜秋  
不是寒巖枯木地繁香難免蝶蜂偷

春日白雲溪

白雲溪上一絲風聊向溪頭作釣翁我本忘機魚不餌

綠楊閑掛碧波中

小院重關春日長閑非閑是莫相妨雨滋砌草抽心嫩  
風渡瓶花帶葉香

半牕旭日曬晴空春色三分已過中隔葉鶯啼千樹綠  
出牆花放一庭紅

贈燕臺楊玉峯

龍文千里建高牙鼓棹蘭陵酒正賒俠氣輕於新拭劍  
詩情濃似乍開花河橋月色縈枯夢雪岸冰痕嚙古槎  
邂逅良緣定何許清尊長伴阿咸家

董常昭自楚歸行色甚窘作詩贈之

客子昨夜去望望無因依今晨啟柴扉担得窮愁歸日



午饑無糧日暮寒無衣  
鼃蟻棲冷灶蟋蟀鳴荒磯  
唧唧復唧唧生事日以微  
夜闌枯夢短徒作鴻鴈飛

秋圃

居人蒔蔓菁行人止饑渴  
遺種家家是猶能說諸葛  
莫嫌老圃貧尚有銀茄在  
掇取無遺根相將種冬菜

題王石谷漁溪圖

一徑疎籬護竹扉  
隔溪閑築釣魚磯  
扁舟蕩漾秋光裏  
帶得橫塘鴈影歸

五月三日贈子重

五月三日江上歸  
滿城風雨賣蒲艾  
憶君如垢不忘浣  
侵晨剝喙雙扉外  
我來君病正朝寢  
中骨炎颺尙餘害

齒牙兀艱語半訛  
支頤穩避風搜兌  
披衣迎我咲而筦  
傳呼設食迸粗糲  
羊腔縷切鴨羹碎  
軟嚼細吞不可大  
怪君飲噉君自言  
否去六七今已泰  
董生突至亦豪健  
飲若江河納溝澮  
大呼千杯何足辭  
一人病已俱緩帶  
願炙肥牛擊封豕  
再集葵丘尋好會  
記取佳節雲安花  
影入酒樽色堪繪  
白雲溪上烟波闊  
戲集魚龍濕旌旆  
簾外濃陰代子留  
寂中遣悶云我賴  
坐久成倦童僕遠  
惟聞雨聲過羣籟  
醉鄉睡鄉本相續  
萱草忘憂弄晚鬪  
主人半枕夢垂雲  
偃仰青槐樹如蓋  
君旣熟眠儂且去  
褰裳拔步秋蟬蛻  
寢興應咲畫堂空  
翻案饒狸飽殘膾

五月四日舉浣花會



水溶溶花灼灼曼衍魚龍戲相劇旗翩翩鼓闐闐人在  
三閭宅畔舟行萬里橋邊硯洗玉溪之水詩題犀浦之  
箋豈湘水招魂之尙早而浣花卜日之宜先浣花人燕  
衍花情更繾綣刺桐拍簾輕莢葵壓釵匾溪頭艾如張  
溪尾蒲堪剪正恐浣多花色淺剩却榴花照人眼

十八家村

名村客舍掩重關我與春風相對閒探袖石分鸚鵡綠  
入簾花映鷓鴣斑書繙古帙驅新蠹木有層巒記假山  
勤課兒曹消歲月熟精文選不容刪

愚士自號阮白戲題

曰名榜齋花滿庭花枝照眼酒微醒不知麴枕糟牀下

更有何人號阮青

江上書僧壁

秋風結習掩禪扉草薶鈎衣坐翠微愛殺青山當眼媚  
怕來黃葉打頭飛饑隨食磬鳥還下醉戀閑花蝶未歸  
蟋蟀定中無箇事長江檻外日暉暉

五月一日白雲溪卽事用羨陂行韻

雲溪景物無他奇白雲一疊水一陂梧風疎疎柳拂拂  
上下千頃黃琉璃輕搖小艇撒波入應時鉦鼓魚龍集  
碧浪中間鶯鴨飛潮頭出沒爭先及蜀葵海榴爛熳開  
顛狂蜂蝶粘香埃拾遺秘書紛折簡江邊屈子騎龍來  
來兮去兮人莫測酒波泛益光猶拭千古風流俯仰中



浪花浮白雲花黑看塲圓壓人如山移舟爛醉風濤間  
高歌水調江東去銅琶鐵撥來相關歌聲纍纍如貫珠  
傾耳出聽羣兒趨拍手大咲冠纓絕餘響直落蛟宮無  
神蛟起舞携雨至瑟瑟然幾點瀟湘意遠日銜山奈客何  
菖蒲影裏歸舟多

梅花

孤山一樹花朵朵林和靖樽空粘妙香苔靜落疎影蜂  
蝶不能鬧桃李徒自靚春雪慣封枝詩成夢猶冷  
鬢髯聞香處娉婷見美人淺粧疑怯冷薄醉欲撩春東  
閣風欺瘦南枝雪糝勻不逢姑射客何自覓芳隣

悶

所嗟非一事默坐伴孤燈風雨川原急年華日夜增關  
門疑畏虎拔劍懶驅蠅况味當誰似西山老病僧

春雨

剩得三冬雨淋漓又一春簷聲頻破夢泥滑動經旬不  
盡窮愁淚難舒束縛身何時花咲日緩步踏芳塵

病起

深山大澤螫龍蛇絕久重蘇事可嗟試筆枯如霜後草  
看書翳似霧中花欣聞露井桃顏破一任烟堤柳眼斜  
斟酌出門強健否嘗新春酒過隣家

季漢史傳旣成因追悼先君子并念幼孫書此  
志感



十年辛苦簡編艱描畫英雄放胆頑玉美不教求善價  
書成留與鎮名山兩家陰竊雲霧路一點孤忠月滿寰  
涑水未湔陳史穢紫陽書法豈容刪  
桂香庭畔憶黃昏班馬雄才仔細論鳴鶴在陰悲入夢  
枯魚銜索泣招魂友朋落落頻傾蓋風雨蕭蕭只掩門  
痛絕書成空點次祇餘棗栗餌文孫

越燕吟

寂寂空庭院棲止呢喃燕暇則醉殘花來往經行徧蘭  
茗十二玉闌干南山碧影生曉寒烏衣巷口東風顛夕  
陽並倚花娟娟春信已過時欲晚雨中夏木陰陰遠棲  
遲綠草沒包彈千里家書音信轉

初冬

細雨斜風下陰雲宿霧收千林爭曙出一葉背亭幽日  
暮砧聲急山空旅思愁小春君莫負別作化城遊  
捲簾半林枯籜斤見野夫鶴汀明月爽漁市一燈孤曬  
網明朝事談經異日圖故人應不遠家在亂雲無  
疎籬不掩關面對秋山宿雨烟收卷清溪水轉環問  
碑荒草地訪友白魚灣欲盡今朝興乘流載月還  
曲徑碧雲合高低襯落霞田疇一幅畫茅屋數椽家旋  
煮克腸菜新醃下筍瓜清風時拂袖吹落小春花

芭野詩鈔卷四終



董叔魚小傳

孫時宜纂

董大倫字敷五一字疇叙以第五倫號伯魚又字曰叔魚文友先生次子也生四歲而孤又二年鄒太夫人令其就塾讀書必數十過始成誦塾師以魯目之然所誦習輒記憶且通曉大義其外舅莊天覺先生謂人曰此子必能讀父書者及長偕兄漢求執經於虞山湘靈錢先生之門角藝於東圃書堂者數年遂工詩及舉子業年二十受知於吉水李學使補弟子員以貧故客遊山左己巳秋抱病南歸盡鬻先人所遺田畝以供藥餌猶不足歲庚午兄漢求以羸疾天叔魚自傷影隻病益篤



遽與兄相繼下世俱乏嗣死時年三十六嗚呼古稱詩能窮人以故東野貧長吉天方干羅隱孤魂及第有一於此人猶冤之叔魚兼茲數者又卒無嗣此余所以三復其詩而涼然不知涕之落也叔魚與余爲中表嘗偕讀書於莊氏之耐齋一燈熒熒終夜不寐凡正誼堂所藏書卷口沫手胝無不點竄塗抹病中以後漢書易藥餌俗人病其殘弗鬻其詩出入中晚兼宋元諸名家之勝所著梅坪集幽刻雋永尤工咏物臥病時太夫人禁其苦吟而中心養養見獵彌喜枕函牀第間私置筆硯得句輒蘸墨書之冢宰商丘宋公頻餉葠藥蓋憫之也西林陳先生序其詩謂叔魚以苦吟嘔心疾病且死余雖禁之不能力余不能無罪焉雖然叔魚之死不盡以詩也或曰造物所忌者名叔魚脫不能詩名不傳其死或不若是亟嗚呼宜其然乎



梅坪詩鈔卷一

武進

董大倫



芷園先生王嗣衍閱定

山陰孫

謹椒圃氏選

和東坡聚星堂雪

十日樓欄戰枯葉北風獵刺打南雪盤空作陣眯殺人  
白項老鴉叫不絕董生蝟縮不能那酒量頗加詩思折  
山橋冷眼送蹇驢蹄道如杯後先滅意間忽摹范寬圖  
百尺寒松手中掣生憎夾浪雨若絲遮莫裂冰花似纈  
連斟撇醕恣吟賞榾柮煨殘添炭屑環看四字俱沉沉  
抹地掀天徒一瞥做瞋尚關漁子愁稍晴先與梅花說  
城南半角景絕奇拄過前灘煩老鐵



燕

雙影瞥簾空匆匆柳外逢自依人宇下誰謂爾泥中語  
徹一梁月愁禁半剪風拮据家計了閑掠百花叢

阻雨邗邗卽事次芋莊韻二首

蜀花小院花深深留我日聽無絃琴不妨盤酸太狼藉  
頗覺簾幙宜陰沉疎風却趁乳燕舞稍晴已縱游蜂吟  
擲杯又欲放船去欸乃一聲山水音

苔花春水綠無痕細雨無端漫一村載酒樵青來弄艇  
烹茶阿段去尋源乍成詩帶鶯喉澁漸熟情添燕語溫  
坐久竹梢涼月上野香亭子又黃昏

題馬將軍松下觀濤小照

道裝橫琴  
傍坐孫某

水泉瀲灩漱石齒虬枝盤蹙騰蒼兕中有老子橫漆琴  
風振秋濤塵十指開卷問訊誰何氏豈尋赤松偶到此  
蒼蒼風骨類巉巖歷歷鬚眉鑑清泚芒牀蘚磴澹生活  
藤帽棕鞋閑料理攬身况入蘇門翁獨絃胸中叅妙旨  
哂然一嘯川谷驚犇湍失聲咽山觜苦我生來辦兩耳  
手爪不解宮與徵畫師畫師吾語汝坐我松根剝松子  
端四日白雲溪卽事次元人顧阿瑛白雲溪韻  
白雲滾白雲滾小船坐我雲中心燒錢酌酒大作社仰  
頭叫噪漫天陰登時排雲若開牖日色酒光融一斗弄  
潮艇子往復來撇似乘帆下白狗魚龍掀淖雲濤裏鷗  
鳥頻頻帶波起不愁擲落白雲尖平放瀟湘半江水酒



軍荼戰紛起戈蘆中索句訓羊何歌聲細旋遠風至與  
我笑語相攬和催歸催歸莫絮絮且趁桐花流水注長  
年三老問何之只在白雲深處住

天台題示特瀛姪

天台僻在亂山深萬壑千巖夢未經又累吾家窮大令  
替他仙子作居停

桐帽襖衫卸一時坐來罷賭竹間碁衙齋面面秋山綠  
斑竹簾深聽畫眉

三載煙霞錮疾深感君發藥起沉溟明朝飽喫青精飯  
自把山鋤劓茯苓

探竒分日度嶙峋馳檄山靈仗使君七尺孤藤須努力

相陪躡破萬重雲

中秋浣花席上分咏

梧桐子

梧子輕圓剝滿罌都將珠子浪猜評幾番疎雨催將老  
一片秋心結得成憶昔繡花空有意到今題葉不勝情  
只贏酒椀茶甌畔消得青琴三數聲

菱

今年雨足喜平溝蘆墅鮮菱也倍收淺港嫩翻連鴨舌  
盈筐熟剝並雞頭鄰娃照水爲明鏡稚子携盆當小舟  
不記別來楊柳外碧煙歌斷晚悠悠

青豆子



未落成糞好作羹山田采采趁秋晴厨娘斟酌鹽花點  
野老料量芋葉盛雅稱木樨筍味美最宜白稻粥香清  
配他紅豆江南熟只苦相思寄不成

佛手

兜羅妙相與誰傳特令人叅指上禪休訝麻姑初試爪  
浪猜鉤弋未開拳殷勤接引攤書地依約提撕繡佛前  
香月一龕秋一榻未妨消受散花天

瓜子

我亦年來學種瓜壺蘆乞子作生涯借成草草杵匱具  
弗事紛紛餽釘家幾番猜枚消夜酒偶然閑話試秋茶  
巴童明日添公事不獨階前掃落花

星聚堂觀雪再次東坡聚星堂禁體韻

冬青半月不見葉舊雪梢頭壓今雪江天迷漫望不到  
咫尺亦愁門徑絕客來掀却頭上笠抖擻階簷滿衣折  
衝筵酒力欺欲薄過竹茶煙烘不滅是誰白戰凌虛空  
似有號令中天掣醉客捏獅呵手紅癡兒刻人添面頰  
苦我抹眊眊不正祇憐著鬢風騷屑綿綿細意相周旋  
啖啖輕容剛打瞥野田食絕老烏號淺慢衣寒鸚鵡說  
夜闌就宿凍欲僵兩脚戟交如削鐵

次虞山錢湘靈師見示原韻感懷書事兼送師  
還虞山

手捧新詩涕泗交竟歸無計與招要杖隨周史難甦甲



車過曹公倍感橋原詩有感倫父兄之間宿草春生都昔夢寒梅

愁絕是孤標他時侍坐如言志但博青山可採樵

雪晴簷角鳥交交鷗自尋盟不待要幾處春風筇竹杖

一泓秋水浣花橋莊氏連舉浣花會人於白傅屏中畫句向張

為圖裏標自有水雲無限意未須喫緊問漁樵

月浸微泉樹影交一庭衰草類荒要當年燕守尚書墓

今日烏啼御史橋侍御公厝處即湘公所云月照吟箋御史橋也歌管暗暗憑

鳥啣詩牌草草借花標居停重疊傷心事周樸吟成語

負樵

刺促車停二月交歸堤鶯語坐相要梅應索笑新茆屋

新移居柳自銷翫舊板橋取酒難憑詩作券賣文却信草

為標何年買笏虞山地來伴天隨賦十樵

贈別錢六虞山師養子

人著東風思渺茫落燈時節倍郎當竹軒藤几相逢好

權把梅花比六郎

巾車能御喜春晴夫子觀風過武城不是陶家四五輩

却將籃輦累門生

卜居如傍浣花湄定有梅花人日遺苦笑詩家窮弟子

將詩折竿草堂貲

劍門削劣青如削吾谷蕭森翠欲頽欲趁琴川流水去

愁聽一曲泣顏回謂公

我亦拋家走浙東開帆擬趁麥花風歸程定取中山醉



須及漫山楓葉紅。  
行窩簇酒又分茶。裙屐紛紛盡日譁。此後微泉更寥落。  
一庭愁殺杜鵑花。

莊雲襄丈席上贈松江錢崑河

春晴闖酒寤言堂。忽漫相逢喜欲狂。一笑掀髯都爾爾。  
十年回首兩茫茫。自來萍影都無定。此去槐花又著忙。  
時就北試且索主人重洗盞。與君對飲話滄桑。

送玉川之楚

半帆明月洞庭賒。耿耿愁人天一涯。去路江干饒柳色。  
到時笛裏落梅花。峽雲夢影棲無數。湘草燈痕漏一些。  
三楚憑陵多感慨。拈杯須醉賈長沙。

四月九日卽事同芋莊學人賦

自春之去十日慳濛濛。煙柳低眉鬱南風。初來不解事。  
但催新笋齊屋山。此時垂頭意彌耿。閉關煩有黃鸝請。  
強來港口踏落紅。遇我好友橋之東。顧我一笑向我指。  
不見林端酒旗起。雙壺買醉鶯粟花。一榼嘗新蠶豆子。  
乃知春去頗不惡。何必春歸愁欲死。歸來蕭爽換頭目。  
卍字闌前衫袖禿。啁啾小鳥話夕陽。梧葉森森簾子綠。  
題龔節孫種橘亭

莫笑荆南老灌畦。幾多奴婢媚幽棲。新圖的的禁紅重。  
舊接森森趲綠齊。明月灣頭刪不去。浣花溪畔到應迷。  
還愁楚頌亭三字。除却髯蘇若箇題。



窄窄樓亭矮石闌碧香淡處肯拋殘  
怪爾園丁得好官盡日短箋臨逸少  
外邊大許那知此一點黃金鑄與看

長廣溪續夢中句

并引

昔年夢至一處水木明瑟山村澹  
記其落句云早晚買魚沙嘴熟輕陰  
丙子首夏舟過吳門迂道過橫山之  
長廣溪恍然

夢境因續成之

水香嵐色記依稀夢裏盟鷗請息機  
風綽湖光翻酒旆日沉山影壓漁扉  
何年一舸乘清瀏就此孤村結翠微  
早晚買魚沙嘴熟輕陰小櫓蕩花歸

泊太湖口

舟人挽舟尋酒酌坐我菰蒲看遠湖  
不知白雲自來往但見青山頻有無  
叢叢沙草沒煙艇子子水樹啼風鳥  
籬根岸仄不可上賴有眠柳相攙扶

謁宋大中丞漫堂先生卽席四章

梅花標格領春風清絕綿津寫碧空  
連擁節旄江左右似拈吟筆灑西東  
問心雅羨魚游樂計口新蠲鶴料豐  
畫戟森森鈴語靜吳天煙雨盡元功

空山憔悴負薪人幾許關情慰問頻  
昔醉黃公傳已事今嘲白傅認前身  
失羣鍛鴈聲猶裂學語雛鶯舌未馴  
何意浣花呈一紙得逢開府道清新

時呈浣花課  
蒙許清新



小滄浪上小盤桓境地蕭疎禮數寬  
隸酒初擎荷葉淺  
官厨猶點棟花寒  
墨君習靜依書幌  
石丈勾閑伴釣竿  
一種衙齋好風景  
外邊傳作畫屏看

吳尾吳頭歌思清些些寸草荷春晴  
荒莊五桂今飄落

丁亥巳丑寒宗售者五人皆出相國文康公門下  
禁院三槐舊列成  
暇豫鶯花

呈畫苑清平山海固詩城相門出  
相光青史句借西崑  
一拜賡

滄浪亭次宋山言緯蕭集中韻呈中丞公

盤門一角林塘幽古寺之旁餘古丘  
一泓平浸老樹脚  
怪石踞岬如蟠蚪舊傳此水名滄浪  
上有亭結魚鳥儔  
蘇公謝去宋公起風軌陵轍  
千秋劫隆氣勢仍故址

縛茆不礙煙雲流橫約跨空接游履  
挑帘閃影驚閒鷗  
蒼筤翠篠蔽蒙密間有晚笛來漁舟  
官清政簡得閑暇  
捉玉麈子時一游山浮睥睨青不了  
寄以遠嘯風颼颼  
倘憐孺子或可教請呈水調於遨頭

歸舟偶記

桑柳陰森水一窪風吹紫棟打孤艖  
心情懶似將殘絮  
詩句新於乍放花  
夢中隔竹數家橫畧約迴篙一犬吠  
籬笆却看村女溪頭浣蚤有山榴點髻丫

抵家

小別歸來盡室譁  
悵悵情境似乘槎  
水天飄泊漁郎夢  
花月蕭條燕子家  
巷口溫風排茉莉  
墻頭細雨熟枇杷



綿津一卷休輕揭留試山僧廟後茶

題落花游魚圖

誰憐一樹紅稀盡委一溪白小樹頭樹尾閑閑溪尾溪頭擾擾

展開半幅寒煙魚在短蒲淺荇不因幾陣狂風枉啖一春花影

從篔小尾亂點喁喁細口輕攢何異晴空蕩漾打來蝴蝶成團

從此數聲啼鳩又聽兩部鳴蛙啞破一川萍影無人道是楊花

石塘灣遇雨歸而知為沈道者所禱詩以酬之

次龔丈介眉韻

連旬野枝啼麥枯不見屋角斑鳩呼忽驚打蓬雨脚白起看罨岸雲頭烏農人失喜避冗樹舟子凝望愁迷途歸來得聞其所以題詩直欲方石湖

范石湖有祈甘雨詩

疥蟲

受爾剝膚毒潛蹤何處搜口頭饒月旦皮裏富春秋不  
少探湯患偏工食肉謀無方掃除此騷動幾時休

燈花

漏盡燈昏欲剔遲淡紅花綴却參差愁吟悄悄落無數  
客夢勞勞開不知賺得小窗頻放剪防他孤館漫敲棋  
連番送喜都無准獨背寒檠有所思



雨

朝窗劈炎雲夜窗刮乾電西軒十日晴花焦蝶不戀農  
人盼涓滴如渴口空嚙秧科裂成塊低田不得佃何來  
墨一痕邪許林端見打狂風滿屋作涼雨一片飛檐決  
若河逗點大於箭頽然儼吾宇誰家兩歸燕想見村東  
南溘溘溝水遍山禽催架犁帶鳴過柳堰

送薛三溫其重遊四明

青山如美人心竟不可著况乃遊四明不等凡丘壑疎  
岑二百八岑岑皆秀躍芙蓉插中心頂踈海一勺橫跨  
三縣邑峇峇虎牙錯威紆幻怪變卽次難捉摸夫君好  
心事煙霞疾未霍茲山有如媾論年肆盤礴日者瞥然

歸痒痒失精魄頗覺住家山泊焉寡歡樂時於矮茆簷  
癡坐記崖畧歛若歷一奇騰趨效猿獾客來省寒溫艷  
誇勞輔齟君愛青山好青山亦君若晨夕望君還兀兀  
跣山脚以故急作裝遲恐爽要約妻孥苦許詈君意恬  
無作遽學打包僧辦一藤一箬孤身點翠微嫋嫋竹兜  
絡下峽啼姊歸前林叫姑惡因就石膚眠飢擷松毛嚼  
時屈三伏末驕陽正爛爍衫襦白汗洗皮月赤雲灼渴  
唇得切泓兩手代瓢杓嗟哉苦熱行賈勇足不躩青山  
喜君至飛湍接芒屨晚黛費描畫晴髻特梳掠作別距  
新秋峯腰瘦戍削清蒼骨勝昔窈窕容如昨僻奧恣爬  
剔塵俗快疏瀹瀝酒尋寒盟青山對斟酌而我恚欲死



獨居感離索緬爾山之窩百族所聚托獵夫瞰綠暗樵  
叟跼黃落秋籜木魅走朝嵐野猩躡豈少足音楚將我  
好友攬似我太麤蠢觀山如隔膜佳處了無會但見石  
砢砢衝厓突人胸毒蔓格人膊一日野火延煙巒祇存  
鄴胡然呈百態倩靨賽閨閣遂令客迷戀絆人若急縛  
君山礙湘流李白思鏗却藐茲幾石片能當我怒矍我  
今書長吟因風寄綿邈遭我惡齟齬山靈得無愕火急  
放君歸詎更封雲愕再拜謝青山前言聊戲嚵

秋軒

小軒橫榻近花寮兀坐攤書暮復朝林鳥去時留可意  
爐煙飄盡剩無聊青奴作伴淡秋戀黃嬾俚人半午邀

一枕榕陰正清絕打頭涼葉又蕭蕭

夢中得句醒而記爲去秋澄江道中所見也續

上十字

風日淡秋村櫻花飄屑屑牧兒斲石根山禽下牛脊

病迫夢中得二十字

雨過羣山分頽雲拉其頂樹隙豁殘陽峯凹墜樵影

四月二十日病更迫鬻東坡詩取藥感而賦此

東學人學人居接坡公所寓孫氏舊宅

偶檢殘書懷老坡堪嗟哀樂一生多汝知我者朝雲妓  
彼何人哉春夢婆舊曲不堪芳草遍新愁其奈海棠何

孫氏舊宅有坡公洗硯池手植香海所羸萬古峩眉月  
棠硯池今猶存而海棠則不可問矣



猶在雲尖三尺波

二十一日示峩雪

身世曹騰夜未央蒼皇行止未料量一丸斷送烏兒命  
百寸摧殘猿母腸燕子巢空風索索梨花夢破月荒荒  
從今免灑茶山淚兩樹朱藤吾故鄉

前歲掃阿兄墓有從此三橋驢子背

年年清淚濕茶山之句

風日歎

風靡靡今日泥泥蝶翅初乾山花嘴可惜春蠶葉滿筐  
一絲未吐身殭死身殭死傾筐底牆頭桑眼碧濛濛  
濕風元舊搖簾子日晻晻今風呖呖干芳欲展聞鷓鴣  
楓葉當春忽作丹

鵬花後日終成碧終成碧幾千年淒淒花塚鶯啼絕  
寒食還飄榆莢錢

病小間閱諸公見和婆字韻詩再疊前韻

不斷涼風打竹坡一番噩夢記無多危峯飄渺游天姥  
大海掀翻拜浪婆未便絕裾緣母在已看橫楫奈公何  
至誠忽爾回天意又掣狂飈蕩月波

丙子禮斗

梁武

梁武呼荷荷漢成笑吃吃苦樂到此問究竟何分別人  
生天地間唯壽福之一懼有了訖期老釋就中策假如  
盤古來人壽無終極坐脫與飛昇言之必慘慄所以古  
哲人寸陰抵尺璧况我賀再生豪釐必珍惜打量過冬



春卽次健腰膝哺飯去嬉遊及時傲仙佛

戊寅三日詩

我今生年三十三又屆生辰三月三看看一病歎三載  
此中有鬼成癡憨東皇乘令起窮蟄噓植庶類恩胡覃  
光天蕩漾日遲緩白駒過隙茲停驂是處朱櫻映門巷  
無邊翠柳搖溪潭人方冶遊逐戲蝶我獨僵臥陪眠蠶  
神馳痒痒不可耐竟欲放脚行趨趨陡思年時倘不測  
化爲烏有今何堪卽今遠處有底惡究竟得失還相參  
百年小憇車受軛萬事蹙弛肩卸擔朝朝米鹽婦會計  
頓頓魚鴨吾貪婪葠極煎磬茗椀呷果餌儲向詩囊探  
賣書鬻硯屢不給廓然四壁存空豁就中風光正妍好

益蘭茁箭開猶含晝煖狸奴弄閒砌曉寒燕子偎新龕  
簷牙花片打床席屋角禽言貽枕函粵上斯已况今日  
滿檣晴旭移紅酣山妻媚我爲我壽自治湯餅供瞿曇  
稚女鏤桃釘梓膺重撩秀鬢垂髮髮白頭老母領參拜  
逋祝好語音誦誦咄哉此樂不易致何苦晨夕憂心悵  
快拈健筆破詩戒瞥若出柙奔驚魃古來神奇用韜晦  
豈久光怪埋龍潭天平玉汝庸有以董生且臥江之南  
一觥要趁獻堂上梨花春釀須開壘

題初夏村莊橫卷和閑字

水足溪岸平翻車掉悠閑山莊但恬然風日開心顏  
雨晴日又烈蓑笠總不閑剩有未犁土叱牛來前山



漁叟

老儂棲泊湖中邊橫吹漁笛翦帽偏約開荷葉放船去  
趁得柳陰停棹眠小網及時颺斜照短蓑帶雨馱輕煙  
得魚剩取易一醉時佩笳箸孤村前

簡唐大靖元

移斑竹榻林深臥把瘦楠杯花際嘗君肯愛閑來一話  
小梅坪子正風涼

竹夫人和學人二首

憐伊生長在湘濱藤簟紗衾結好因辱愛雅同王大令  
受封宜作衛夫人蕭疎性格欹斜慣圓轉身材反側頻  
多病維摩許相伴未難嚼蠟視橫陳楞嚴經橫陳嚼蠟

問伊小字喚玲瓏細骨珊珊體自豐入抱不嫌情似冷  
相偎方悟色爲空那甘改舊隨黃九山谷貶名爲青奴乍可從  
新嫁陸翁放翁句床空只苦秋深同棄扇也隨班女怨  
淒風

竹夫人詞八首

彼美其誰似此君相偎竹肉竟難分一宵抱夢西簾下  
猶作瀟湘一段雲

玲瓏骨相自天然好向圓通證昔緣應是前身瑣子佛  
要人叅透老婆禪

也曾瀟灑綠窗前爲倚聲名愛穩便不似了鬟柳枝性  
日中三起又三眠



竹郎相伴已無因長作人間尹與邢林下風標誰貌取  
人間剛有管夫人

清絕梅妃較若何冷然姑射不爭多笑他擁背溫柔好

堪與涪翁賽脚婆

卽湯婆

漳蘭盆恰並床前抹麗毬還攏枕邊最憶紗幮涼夢醒  
渾身月影大如錢

七里山塘舊聘將空空妙手鑿乎強箇中稚子分明見  
欲祝孳生倩李娘

桐花開了定來期柿葉翻殘歛去時來去相隨有團扇  
當伊小婢謝芳姿

小醉偶述二首

徐泥作酒壺成窯誇酒卮佐以新詩句對以秋花枝山  
妻舉案前歡賞仍嗟咨無乃太折福貧病非所宜不如  
卷之去捩擋易蓂苒微爾細君言吾亦幡然疑下今而  
上古通昔資游思堯缶舜陶在柴汝官不奇玉杯象箸  
陳中人家見嗤詎是亾國器古人嘆胡爲不見下國風  
酌兕觥金罍儉奢惟其人賤貴惟其時我今悟物理區  
區胡足疵山妻啞其笑君言理有之奈何騁才辨徒說  
詩以辭放盞將醺然簷風動于思

一病跨三年兩脚不襪履客來只箕踞賓至蹙跛踣得  
酒更駘蕩摩弄清秋底山妻苦笑諫敬慎福之址怪底  
此中間有鬼揶揄爾婦言不可聽一時鮮攔抵下酒兩



漢書從頭並拈起豎子沐而冠乃公跣而洗神物終有  
歸爽襟拓千里腹皤騎牛翁足岸捕魚子至尊不覺頓  
高風扇千紀男兒任天真古人容仰止上有歌風臺下  
有富春水爲何齷齪輩跼踏天地裡實堪供溺具不堪  
作釣餌快哉斯言乎涼颼過吾齒山妻歛衽前夫子徑  
醉矣立論迅而詖張本祇爲已一笑倒胡床再謝則吾  
豈

梅坪詩鈔卷一終

梅坪詩鈔卷二

武進

董大倫

叔

芷園先生王嗣衍閱定

山陰孫

謹椒圃氏撰

秋衾

漸覺單衾冷開箱展疊紋安排溫昔夢抖擻晒斜曛擁  
處殘燈在蒙時落葉聞鎖幃氲佛手猶香晚香薰  
竹夫人去後小玉上牀鋪微之暮秋句小玉上牀鋪夜衾薄似秋雲未  
涼禁夜雨無偎愁能委宛緘夢覺糊糗更有纏綿日那  
嫌菊枕孤

許三索借書甚迫東付使者

坐擁書城靜掩關髯奴勤索奈吾頑孫吳自是從先誤



借得荊州那許還放翁句異書  
渾似借荊州

梅坪偶詠四首

隱囊

盎然一物昵閑散承頰拄肘教人嬾苦予骨瘦宜軟溫  
川榻清幽鎮相欵坐籠紗帽罷棋局靜致羅羅亦可掬  
攤書細倚消篆煙自在茶擎一甌足

方響

平時對人語歷落林風振聲若木鐸竭來如瘖手口作  
喜吾舌存今有托有時倒塵敲閣閣忙走妻孥前唯諾  
不防蠻鳥枝頭愕幾片簷花硯凹泊

籃輦

藤籃新織寬兮綽昇者長鬚與赤脚中堂遼絕同越秦  
呶來迴日數巡兒童牽挽爭扶送拍手遮留笑成哄  
何時放足恣遠游千山萬山一竹兜

行榻

六尺繩床蜷蹙破風日佳哉只無那今朝行榻遷林間  
好竹攬先揀幾箇曲肱數盡飛鳥過却畏披披晚風大  
歸歎遮莫眠白雲不者月欄花影卧

髭囊二十韻

我髯一何憊積久廢培植日委衣稜磨夜受衾鐵晝竟  
畦苗荒蕪盈坡竹狼籍不急與護持奚堪此戕賊婁之  
且絡之是故有裹帛雅製配繼綫私居媵巾幘空洞一



兜羅週遭四撫拾頓改僮奴裝特賀叅軍飾攀緣上耳  
根延表到胸臆儼縣守口瓶現襲遮須國包荒絕芥蒂  
脫頰伺間隙並庇唇齒寒亦藉屏藩力偶爾卸如箝依  
舊張如戟喜鬱鬱殊前詫離離過昔養願固其宜負贅  
終非策懽笑掀無從苦哦撚安及雙眉傲展舒纖手拒  
摩拏既俾爾烏毡盍縱爾蝟磔于思乎于思偪側復偪  
側底作此形摸笑殺雲間客

病榻遣秋四首分簡問視數公

扶床學步笑吾能嬾架居然設枕稜病起不禁楓葉冷  
涼過猶喜木犀蒸八月熟俗謂木犀蒸醫來刺促收吟篋客至凌  
兢試拄藤眼底匆匆辜舊約打量蘆墅又翻菱雲湘士尊每歲

有採菱蘆聖之約

幽号岑絕類僧房眉豆陰陰帶淺廊偶爾叩關疑啄木  
頻年守戶倩顛當西林老子開詩窟道柔戒予作詩昨有詩屬和東  
郭先生闢酒場芋莊全蓼庭移尊至垂死病中思學道一逢佳客  
又清狂

苦憶東頭小阮家

謂遠公

探知清課入秋加茶嘗細芥煨

松子硯試澄泥榻韭花往事讓君三笑足近懷憐我四  
愁除全憑好句同驅瘧日午咀吟到日斜示我驅病魔之作

隱囊閑凭矮茅檐憶事懷人得句兼京洛時風猶瑁璪

茂陵秋雨尚廉纖

予病始於蓀服被黜時昨接寄詩尚多感憤之句

已經淨口

修修利那復關心昔昔鹽偶學天隨飛筆例小箋裁送



白雲尖

學人雲溪草堂在白雲尖

宋中丞公再餉人漫病間次東坡送王定國紫

團漫韻誌感

遼海人銜芝品歷太行頂一勺煎清甘活人能駐景我  
病百不療抄方禿毫穎醫誇三極功似渴望梅嶺何期  
藥籠物分辱破臙癭薺芘曷敢淆豨苓皆獲騁初如事  
驅除宵小靖里境既如行補助陽和溢閭井治病同治  
民卽次躋安靜恭承首重稽私泐筆載秉山房秋葉鳴  
鴨脚煨石鼎藥銚急洗滌快試綠雪茗

秋海棠

西風薜荔吹墻頭稀疎籬落開牽牛下有嫣紅乍呈媚  
看似姹女初含羞蛩吟對寫亦冷艷苔色傍引皆陰幽  
海棠顛號吾自署遮莫秋賞生春愁

題野漁圖卷

軋軋鴉聞沙岬邊一枝柔櫓撇秋煙蘆花如雪唱歌去  
此際月明鷗未眠

不寐懷遠公之秦

曉鼓殷輕雷如蟄振羣動迷濛月色留宿鳥未成唳衾  
薄起添衣寒氣逼窗縫頗懷西游人此時上征鞚瘦馬  
兀秋山落葉打殘夢

送楊古度入都

又指西山襍硯行北風當面拂征塵隴頭霜葉踏殘月



馬首梅花送小春我是凍蠅棲墜戶君看晴隼劇空旻  
到時莊助若相訊尚復江濱臥故人

次日閱芋莊道柔送古瘦北遊長篇復綴一章  
并呈道柔芋莊

江南十月北風駛灞橋閣雪待楊子長須徧索詩做裝  
連隊前催走折趾崔峩大篇排空來片赫蹠開千百里  
長亭短亭儼夢中舊雨今雨忽眼底澁讀令人敝齒牙  
毫鋒險浙矛頭米卽今韓孟逞雄怪不過如斯而已矣  
唯愁腕力壓燕山瘦馬凌兢馱不起不如董生聊復爾  
些微句子添行李

寄天台令家特瀛

天台地僻長官閑翠巘丹崖待我攀一幅臥遊圖入夢  
輕兜時度萬重山  
三年穩臥底驚覓縣吏催租夜打門洞裏桑麻倘蠲稅  
莫教仙犬吠花村

題會稽陳星客抱膝圖

我昔見君蘆花一水間煙波瀾森孤蓬閑

前年有垂綸圖索題

我

今見君梅花兩樹下苔石欹欹疎竹亞乃知心遠地更  
偏楮袍襖鞞都瀟洒問君胡不膝上加玉琴胡爲抱膝  
兀坐花之陰花寒未放月未沉槎牙疎影橫衫襟此中  
有句須酌斟非必効顰隆中吟世人紛紛竊比擬嗚呼  
自有北山泉石盟初心作此者誰某寫景寫情俱不苟



維愁霜風峭逼人何當禿鬢加冠巾還愁空山月落差  
寂寞我欲膝邊添隻孤山鶴

春半

刺紅數剪垂垂放十五番風過短籬慣是秋千春半候  
惱人情緒翠寒詩

步過梅坪

釀花天氣最難憑番暖番寒間雨晴約略風前衫子薄  
不應行飯過梅坪

巳卯重三

又過今年三月三薺花天氣換單衫  
方言三月三薺菜花兒單布衫羣  
修禊事還耽嬾自作生辰且放饒飯後試茶開籜籠雨

餘分菊借花鑿木香棚底成清坐細草如氈不用芟

聞學人患耳疽賦柬

傳君耳畔無端劇似割乖龍大不堪入我聽聞猶可駭  
向人消息幾回探嫌汗未免投淵洗惱熱何曾到酒酣  
平善只留三日限黃鸝聲好要携柑  
見坡公挑耳圖

新晴病遣

泐雲散樹晴未了一鳥兜兜鳴樹杪少焉雨氣收溟濛  
出落半簾新綠好鈎簾坐憶城南莊菜花十里鋪鶯黃  
鯊魚大上漁戶喜紙鳶爭放村童忙竹笋脫棚柳拆絮  
蕙叢挺箭茶抽槍此時拖籐得得去袂衣飄瞥春風香  
青鞵布襪容易辦如何裊觸徒相望空齋棖觸無所作



目送游絲過窗戶臥聽霞鳩喚屋山我亦晒藥呼阿婦  
湘雨上人赴 召行在

夫椒古寺衆峰攢萬頃湖波四折盤 皇帝遠傳停翠  
輦老僧權要下蒲團鉢盂沾及天厨潤賜拄杖挑歸御

墨乾當書扁一帶煙巒增氣象拈花應自笑無端

與我雪

藜牀淹臥憶離羣多謝頻年慰問勤矮紙數行誇近句  
粗茶一盞述新聞趁晴步履邀春半冒雨篝燈坐夜分  
此際阿誰憑致語棟花風簾正思君

新竹

疎簾清簟正如秋新笋成竿過屋頭解籜風聲猶簌簌

放梢月影已修修携床便要安棋局掃石先宜置茗甌  
叮囑園丁勤守護須防惡客漫雕鏤

蓮子湯

蓮葍生從閩粵奇紅衣細裹剝遲遲淨儲梅雨盛沙銚  
宜天爛煮松風攪玉匙略佐調糜無不可全憑壓藥最  
雨宜頻年饗餐詩脾健慚愧涪翁勘報辭黃山谷有謝蓮  
蓮子積兩石許有不給則索之夢  
庭學人昨茂實又以十斤餉我

瓦蟹墨瀦戲咏示邵青門時青門有哥窰蟹書

滴詩

崖州石蟹儼然活尖團入手皆咄咄此間胡來阿堵物  
髹几不于殊髣髴諦觀乃是埏埴出中容一掬之水供



吐沫爾物皆齷齪狀粗醜如磬地欲爬沙走文園名號敢  
竊取臨池不成八叉手故不酌公子以酒而罰墨汁沃  
一斗作詩笑似青門叟一蟹還如一蟹否

伏熱憶祁村

伏熱蟬聲合村翁斷過從判瓜初計畝閣稻小休農水  
犢臥清泚林禽棲綠穠茅齋自幽寂低覆竹陰重判瓜閣稻  
皆方

懷菽服

看爾燕雲唾手拏無端鴉鳥見京華人間竟爾橫天壑  
世上何曾斷海槎歸夢畫中飛竹葉愁吟書背寄桐花  
故人沉臥秋江晚罷讀離騷幾歎嗟

而我相于比駉蚤頻年堪笑可憐蟲殘生已分泥沾絮  
逐客寧終浪打萍惜別一番黃葉兩相思五度落花風  
饒君瑁璪終輸爾不是吾儂舊阿蒙

偶乘小舟出郭外

漾漾風輪東復西荒汀雨霎烟淒迷偶沿水柳過灣去  
撲鹿隔離飛竹鷄  
荻巷青青二里餘淡沲天放芡花舒船牕小睡誰驚覺  
柳下溪娘喚賣魚

暮秋卽事

將息秋深節物佳藥奩隨分缺三椀半盂粥煮新蓮子  
一椀茶烹晚菊花霜降漸聽蟲語靜天空唯待鴈行斜



儂家九月開爐早煨芋燃糠事已賒

雪夜題惲士尊禪悅詩編

破廬不庇寒如率彼曠野夜窗特探晴瞥面雪花打添  
衣駱駝坐冷薄孤燈炮古甃橫凍梅瘦影衫襟寫偶披  
禪悅編妙香覺沾惹得非野狐禪枯句皆妖冶頻年結  
習除洗心叅般若於茲獲深省三覆難割捨風急斷疎  
鐘小寐不遑假明當踏濕去一訪竹尊者

雪中有懷學人公車北上

雨絕凍雲頽駛雪翻屋杪作意攪吟情入戶弄嫋嫋故  
人天際去計日蒙陰道瓊車撥幃看齊魯青乍了灞橋  
何處邊犯曉大踪少千山歸混茫四矚天地小嗟我籠  
如蛸冒絮形容槁白日坐相思冷落梅花老且簇地爐  
紅烹茶試鷹爪風簾一欠伸日斷飛鴻杳

晴簡芋莊

三冬雨雪淹頑雲忽開闢遙天碧沉沉剩與一簾隔巡  
簷急探梅簷溜餘殘滴小鳥曝南枝寒翎對梳剔時當  
按歲除奔迫塞衢術吾廬獨翛然晴曦熨几席微觀墨  
氣氲古硯光次次詩緡峭唐體畫展冷元筆拾箋與竹  
翁芋莊別字竹紆近作底生活小停泥滑乾來劇談一出

賣蔗童子歌有小引

天啓間姑蘇顏佩韋等擊殺璫尉其日江陰李侍  
御應昇亦就逮常郡西察院開讀時士民聚觀者



數萬有髮垂肩男子十輩各挾短棍入院大呼殺  
魏忠賢校尉士民從之虺聲震天諸尉踉蹌越牆  
走匿一賣蔗童子十餘歲撫髀曰我恨極殺我江  
南無數好人遂拉一肥尉舉蔗刀斮其片肉擲街  
前狗啖之時太守曾櫻彌縫其事故童子姓名逸  
不傳拒今七十有五年人無有能道之者城西羊  
老翁居院左目擊其說與碧血所載合爲作是詩

康熙庚辰二月

天啓丙寅歲三月魏闖毒熾殲江南姑蘇緹騎奮擊斃  
五人膽勇誰驂驪是日江陰李侍御逮常宣讀將開函  
黃頭紅靺瞋目立萬人疾視徒耽耽誰何少年約十輩

魁肩髻髮垂鬢髮夥移大衆共撲之排闥洶洶騰飛魁  
訇天衝突屋瓦震再見楚漢塵章邯最後一童舞蔗出  
嚼齧大叫聲訐覃降肛肥尉戴頭竄霍若鷹爪搏雀鶴  
蔗刀一斮甜狗口狗如噬矢猶婪酣十步之內血濺地  
官吏驚仆成僵蠶滿城士民齊拍手咄咄此子誠奇男  
惜哉尉不格一死其事滅沒隨烟嵐顏佩韋等真伯仲  
並舉姓氏無人諸我生同鄉志汲古摩挲銅狄心胡堪  
試拈生紙當碑碣更借硬筆爲刀鑿哦成庶幾得崕略  
傳與好事談誦誦

阿兄橐葬城南三橋里路有古朱藤樹兩株乙  
亥年掃墓過此口占有從此三橋驢子背年年



清淚濕茶山之句至戊寅春病迫有句云從今  
免灑茶山淚兩樹朱藤吾故鄉庚辰春復跨驢  
過之涼然賦此

番番宿草徧人間待出南郊淚已潛兩樹朱藤開未落  
又騎驢子過茶山

次韻唐若營丈移居二首

十八家村唐老生一廬願作羲皇氓南垞北垞尙隣並  
舊雨新雨時合并作書况有白鷺換得句且與黃鸝賡  
到來籬落半園近烟水迷濛疑鴨城

些些竹石幽人居皂莢林子機毛廬杜陵寄貲定不少  
孟郊家具原無餘藉此梨花釀熟後趁渠燕子龕成初

書牀琴薦整頓了尙有小喫來遲余

乘萬招看立堂牡丹同浣花諸子限韻

二十二番風過了楊家鹿韭正飄姚欲隨蝴蝶一羣去  
已有黃鸝再四邀淡沲春光宜酒蕩禱新花樣要詩描  
似予癩病同希逸容易憑闌酌一瓢

楊茂實招賞牡丹同芋莊道柔雲湘乘萬賦

花伴頻邀剪赫蹠牡丹斗大壓枝低直看洛下開金谷  
不比回中賦玉溪日射散盤徵令緩風迴腰鼓攬杯齊  
小詩欲當纏頭贈笑拍紅闌倚醉題

幾年拋撇好風光恍隔開元事已忘未死又來花底活  
得閒仍向酒邊忙萬枝絳蠟烘春色一代紅顏炫晚粧



深夜欲歸寒步障却辜明月過迴廊

咏倒暈牡丹

一種司花信有神潮紅深淺最撩人捧來妃子醜初減  
喚出雙文臉未勻絳蠟籠烟憑寄影淡雲烘日暫傳真  
臙脂十萬錢空費時世眉痕別樣新

坡詩時世新  
翻眉倒暈

治圃

小圃闢厨東覓境最閑冷地褊強町畦譬視滕畫井拋  
書微雨餘鴉鋤親自秉居然不日成環護笆籬整先期  
檢曆頭栽種合時景及茲穀雨過早莧媚盤皿芥薑吐  
甲鮮茄科著花靚齋期糝作羹亦以芼湯餅曾與習勤  
劬細噉味彌永尙餘瓜豆棚屋角結清噴當風一停竚

柔蔓延衣領咄哉野人居塵慮爲之屏所虞灌溉方僅  
得粗領省誰乎老於斯願學樊遲請

短燈檠歌追步昌黎韻贈學人

短檠短檠一尺長夜深焰作孤螢光寒簷照盡讀書子  
蟲語唧唧叅悲涼天明形影躔隔絕猶見燈花遺筆牀  
怪君已作蓬萊客盤馬天街整歸策開書兀坐舊黃昏  
短檠仍接東方白我今頽惰秋風前棲鳥呶啞促晚眠  
嗒然一龕聊自恣古佛燈深耿寒翠吁嗟世事大不然  
牆角看余短檠棄

牽牛花

新秋破曉推牕紗亂翠潑眼添麻嗒千朵萬朵牽牛花



垂條接蔓相交加鐘鐘底子癡兒誇俗呼鐘奇擎欲摘  
斟秋茶曾不崇朝吁可嗟仰睇無計晴暹遮相爾一生  
自分非奇葩不與凡百競隆窠亂疆叢棘殘籬笆隨意  
蜿蜒如爾家棚有豆莢脰有瓜亦不縱爾閑爬沙偶供  
釵朶娛邨媪燁燁風搖雙髻了放翁插髻燁燁牽牛花夜深細展  
露脚斜流螢燭燭棲其椹帶以淡月涼些些到頭結子  
紛如麻瓜萋烏蘇同一車本草下品憑緡查試觀園林  
白日爭秋華誰護蕭閑如爾耶吁嗟乎牽牛花一生漫  
浪良非差

再賦牽牛花

草叢露重秋曦薄絡緯猶吟壞籬落滴滴牽牛花正開  
葉蓋梢頭閣憶昔邗村讀書處所在根苗恣盤礴  
紅蓼黃葵相發揮一簾晴碧窓初拓偶然三日不開齋  
裊徧書棚纏筆格每被童搜蟋蟀窠柔蔓蹇殘忽舛錯  
曉來仍爾細安排葉又羅羅花各各拋卷頻來反袖觀  
卽時攔入新秋作吁嗟乎邗村不到五六年牽牛花開  
想如昨我今却似此花身到處游行到處縛重吟細把  
殊惘然一枚秋蝶還飛落

江上

幾尺烟波寄渺然蝦籠蟹榘去黃緣蕢花風緊當梢順  
一葉秋帆掛未全  
卽景曾題記惘然瀕堤風定柳絲懸野翁睡足江潮落



紅蓼灘頭閣釣船

澄江寓齋與章聖可小飲頽桐花下分得薇字  
江城傲數椽古樹皆合圍一株頽桐花茸茸紅窓扉隔  
花設茗厨蠻竹穿煙霏有客剝啄到適慰我調飢清言  
佐小酌野菽拍蕨薇於時逗暝色拍拍蝙蝠飛天空江  
籟寂透嶺秋月肥露坐怯新涼梳架取熟衣乘酣恣散  
步眷別相嘘唏歸來立花影促織鳴空機企脚一吟眺  
君山沉翠微

題畫

秋景數峯淨空天兀嶙峋虬松攫明月擺落無纖雲一  
龕嵌山坳石垣駁冰紋中有禿髮翁放杖坐雲根深篁  
出清泚寒翠流衣裙泐然足吟思幽響如可聞吾詩倘  
塵土不堪持正君

裊令北歸索題芍藥幃子

誰歟寫贈將離風花露葉紛披猶認豐臺看罷攜歸一  
兩三枝

此花舊屬吟翁寒孟一篇曾記我昔號海棠顛君今稱

芍藥堦

孟郊詩芍藥誰爲堦唯應待詩老

題秋林笠屐圖

秋梢滴瀝泥漉漉一徑野風吹澁勒衝烟小扱乾紅衫  
戴竹笠子拖木突碟觴何處歸匆匆詫逢儋州禿鬢翁  
前灘耐可轉泥淖耳畔如聞竹鷄叫



九月十二日楊古度齋中賞菊用東坡九日黃

樓韻

今年重陽不可說愁霖慘慘風威發快哉茲晨得一晴  
尙聽竹鷄叫泥滑城東楊子忽我邀抖擻庭除整巾襪  
果能對菊復持觴小戶豈容辭一呷日中諸友俱拉齊  
一笑相看同荷鍤紛陳水陸饜老饕頻抹蝟毛饒口殺  
詩腸得酒芒角生平勃胸中羅億剌濡毫洒出三數行  
句欲排空天地軋軒然起舞大劇顛無數黃花帽簷壓  
須臾客散白雲溪白雲中開秋月巖沿溪小歇漱餘酣  
拍拍菰蒲飛野鴨歸來落葉掩蓬牕倒枕猶疑雨聲雪

偶題平原傳楚者

躋者爾何人碌碌更無比借曰堂上客不堪耀珠履行  
汲又何事賣漿寧爾儔徒然呈醜態笑落美人頭

小至前一日遣懷適姜西溟先生札到

秧薦新鋪覺展舒土爐恬暖愛吾廬愁堪養病良非左  
貧得工詩稍自如作惡葉鳴寒月上無聊花放小春餘  
初陽將復宜珍重白石先生早致書

大雪過楊仲喈

窮居避喧熱兀若棲巖嶰積雪三尺強平壓茅簷矮推  
窗急呼童老梅待拄拐比戶冷無烟薪者得貴買南隣  
楊子居竹石倍灑灑疎林靜著花微恚風枝擺笠屐頻  
過從肯惜腰脚備况煖酒一鴟兼攜鼓半蟹興發共拈



鬢歐蘇有程楷白戰俟力竭東風尙排解

梅坪詩鈔卷一終

梅坪詩鈔卷三

武進

董大倫



芷園先生王嗣衍閱定

山陰孫

讜椒圃氏選

和芋莊香草堂咏古二首

富春

可念故人情可嫌天子腹歸來漫持竿灘頭先濯足

柴桑

五斗不足戀五株何足愛一覺北窗餘借看折腰態

渡瀟湖再疊東坡九日黃樓韻

瀟湖好景無人說我今抽帆赴前發拍拍沙禽送出浜  
眼溜斜陂一篙滑偶然弄水坐船頭的礫跳珠濺袴襪



半湖嵐色洗晴鮮小掬波光碧堪呷時維九月備寒潦  
圩岸人家操板鋪慈姑葉爛菱盤消敗葦枯荷最蕭殺  
野鷹一對吼西風撇振平沙盤古利兩三牒子儼瓢小  
回往輕橈響咿軋一聲漁笛破蒼煙斷鴻叻眇天低壓  
無邊落木冷颼颼殘雲補盡秋山巖幾時汀尾縛茆茨  
閑挽竹弓來打鴨襍被蘆花擁背蓬醉聽前溪水雪雪  
宿湖村舊讀書處三疊前韻

浜口魚蠻並船說收篷好避鱗風發篙人上岸築柳椿  
我閑曳步湖陂滑忽得山莊吾昔遊狂走荆榛忤結襪  
入門野老喜且詫地爐土茗聊煎呷種成桑櫟盡盈把  
是我身親携短鋪苔牀石燈久不來一坪花竹都閑殺

遍穿籬落坐碌礪隔坵鐘魚來梵刹小橋新漲曲通溝  
時有釣車鳴軋軋主人少選薦鮭菜云昨茅柴酒新壓  
半醉頽簷尋舊題敗壁詩篇存缺麟日之夕矣姑止宿  
燈火柴門亂鶯鳴頗來村姬倚墻看應怪茅堂人語響  
正月廿六日宋中丞初度

都籃携具向都堂

梅宛陵句

鞠脰容隨父老行江國早梅初

放白戟門細柳已舒黃屏開文讌傳官酒簾靜吟窩臬  
賜香卽日海桃花信到春風多在小滄浪

是日遇驚蟄

都籃携具向都堂淡沱衙齋風日長老鐵寮添佳客到  
小坡詩引和人忙卽事鶯花南國春仍遍魚麥西陂夢未  
忘惟願踏歌聯士女年年借酒祝如岡



舟行偶記

碧沱天光乍放晴柔風曳曳漾波平挂帆細掠鵝肫蕩  
轉棹斜穿鴨脚浜並岸僧扉叢竹掩過橋山店野梅橫  
殘陽漸沒矧船住得趁磯頭漁火明

舟中陪朱錫鬯先生

接到鴛湖書畫船百花橋畔水洄漩難消竹垞清新句  
漫落梅坪小碎箋辱題梅坪散箋並坐一回移柳岸經行數里  
曳茶煙匆匆後會復相訂煙雨樓頭三月天

繆叟山居

絕小村墟對具區獨山寒翠撲窗虛雨過崦裏催移竹  
水落浜頭看打魚折徑別開新茗所全家渾在古林陔

草衣結束翛然去前路梅花好跨驢

抵銅坑

連朝阻雨眠僧舍半樹寒梅亞石坪今日借晴牽釣艇  
一披春水泊銅坑小依雲壑移人意大坐湖山足此生  
微倖殘軀無恙在亂花深處竹兜盛

望馬跡山懷吳大奉軼

夫椒山翠薄煙遮之子幽居近水涯人似孤雲行斷嶺  
勺如寒蝶弄秋花隨常薦客挑蒲笋一向遲予試草茶  
二十三灣風未便愁看波面數峯斜

過漁洋山

湖梢覓渡喚漁蠻天入漁洋別一灣遠樹和煙浮笠渚



亂帆帶雨抹琴山忽來鄰岸水雲外亦有人家花竹間  
踏破芒鞋隨野衲落梅風磴打包還

上巳後一日小集奉軼齋頭瓶有緗桃一枝限  
桃字

閉門三日雨騷騷池岸新晴漲一篙打盡梨花過冷食  
透齊槐葉佐溫淘嬉春有句人誰賞取酒無錢我自豪  
不是夫君約相過等閑辜負小紅桃

過奉軼

吳大新齋十笏寬陰陰簾幙棗花寒偶緣行藥拖藤去  
得便敲扉借竹看籬角就風遷茗鍤樹根因石置碁盤  
坐譚一出夕陽下燒笋仍留佐晚餐

春暮

淡濃新綠正加交白搭閑披柳徑斜日煖蜂兒羣作活  
春淡燕子各當家行來小塢初分菊憶得空山又拍茶  
隨手年光殊草草一籬愁對刺蘼花

贈暉三臯聞

咄哉暉三吾服膺一龕岑寂如孤僧石徑開殘蛺蝶草  
籬門裊徧鴛鴦藤每研竹露點周易亦坐松風繙首楞  
翛然此外復何事早晚孤塍鋤一稜

訪奉軼不值

髻几新揩筆硯安藤牀猶置竹皮冠匆匆何處抱琴去  
一首陶詩寫未完



一院松陰倩鶴看更無人倚竹欄  
千夜來水漲桃花雨  
或者雲尖弄釣竿

玉川草堂舉浣花會限浣花二韻

夏景愛淡沲空天色如卯晨  
著得噉嗑酒食誰見款開  
門遇長須媻媻邀花伴  
撰辰享杜陵破嬾事中盃到來  
樽俎列戶外之屨滿廳堂  
靜悒悒無藉侑磬筦鞠臙並  
陳詩森如束稽稗尙覲飲  
公福肝肺再湔浣迎神迄送  
神屋角雲流緩爐篆一簾斜  
桐花垂纂纂

私祝肇甲戌凡八更歲華  
舖歎良有名詩腸困爬沙頻  
年余善病佳會多舛差  
卽今充酒戶不勝一勺椰徒羨  
竹紆翁芋莊口犀如翻車  
厨娘罷炙弗改席薦饑花雪甌

響颼颼應景烹梅茶流連  
破積悶快欲比割瓜不覺暝  
色逗栖鳥語嘔啞歸去柳路  
涼輕颼漾巾紗

送楊青村令新昌次留別原韻

竹風吹簟涼於水打睡北窗  
正酣美荒落頽垣掩蒺藜  
啄扉忽到青村子失驚  
忙起抹兩眵下床赤脚悞穿履

苦言得官赴宜豐小住家鄉  
旬日耳此邦近隔琵琶洲

向令重整煙帆幾千里歷歷  
青山君故人五老蒼顏應

破我祖遺風照濯湖徹底  
泠泠清可指封完銅缶事

足陳餞爾一杯還勗爾  
余高祖退齋公令此邑一應取

矣遣使馳還入庫事見尚友錄  
原次坡公送江公著韻

江西詩派非旁門濫觴直溯柴桑村  
斷云此事右山谷



晦翁自是窮其源

論文首東坡言詩右山谷朱子語

多君述作一好手

新詩似繭纒出盆嗟余頽廢不足數論年嬾卧孤雲根

野歌隔林偶賡答漁童樵子真吾昆送君此行賦苦煎

火雲燁燁燔乾坤秋山到縣呈近狀幽鳥散衙遺雜言

何當約我訪梅尉竹兜子去風軒軒

原次坡公餞楊次公韻

七月廿八日東坡先生忌辰陳子道柔名諸同

輩致祭於白雲溪孫氏宅限眉山二字恭紀二

章

宅今屬方庶常道柔授經於此

公平館此竟長辭天遣斯文永在茲爾日歸浮滄海遠

今朝來坐白雲遲未嫌外酒斟蕉葉且侑鄉音唱竹枝

細炙沉香薰繡像斗居應傷小峩眉

歷盡崎嶇過百蠻未曾憂患到眉彎一生夢盡吳江冷

千載寬招蜀道難香火傳薪無斷絕詩箋束筍有增刪

假非焚券來溪上投老依然陽羨山

### 洗硯池三十韻

坡公孫氏寓有石鑿崆峒其稜絕峭利其腹殊降肅諒

非鳥獲任惟公筆可扛厥名洗硯池叩之聲琤縱想公

襍硯來請乞人語咙覲得片赫蹠猶足易羊羴塵硯未

得漉如著垢敝禡眼見五尺泓一碧如春江希鞬快洗

玩立硯排晴牕由茲錫嘉名籍甚旬愚惹痛惜公北歸

三月停風籩公亾硯應焚存此古石脰忽五六百載過

隙追奔駮餅盆隨盥濯瓦礫相擊撞居然成竈漏見者



心徒懨竭來得所哉境絕足音登小懸笠展圖清供疑  
佛幢娑娑硯池脚都嵌蘭與芷淨刷土花蝕細梳石髮  
鬢白溪連白雲灌注驚回瀧颯然涼雨歇緩瀉鳴澗澗  
影入秋半輪月削修眉龐恍矚墨頭魚怪石穿浮瓦還  
嗟老蜀葩摧燒弗遺椿不見水光射紅粧照銀缸我來  
樂摩挲病遣輿丁雙開簾綠田田借作秋荷缸愛此觴  
咏地屋小如吳艤石鼓歌易續石鼎句未降臨池足風  
雅千年鎮吾邦

追悼香海棠歌

海棠異產此爲最月月著花如盞大老腔臃腫發古春  
破鼻香流數里外帶以盈盈碧硯池傘子紅雲低作蓋

舊傳手植自東坡詢之故老非附會嗟乎坡老芳踪猶  
可接一生流浪隨萍合早年曾對紫薇花晚來但寫桃  
柳葉到處尋花分日忙海棠憐爾同鄉邑病眼頻揩歎  
息看不待花時移步履此間擬作終老鄉操鍾多應百  
感集種成乃悟天所資歷宋元明凡幾代花開花落神  
式憑袍笏吾徒宜禮戴誰料孤根劫火遭五百年留一  
夢在宛爾移巢載酒天枯楊衰柳愁相對無復梅花作  
聘頻空歎梅子嘗新再海棠真一夢梅子欲嘗新坡句東國風流竟斬  
然寂寞卅春誰怨懟難得西林好事者一尊請爲花覓  
醉我生曾署海棠顛絕賞難逢長自憐前年臥病蒼皇  
裏猶遞孤吟到者邊丁丑年病迫會句及春衫一尺乾未得總爲



判花恨不蠲寄言十六番花信再至江南亦枉然吟餘  
起覺風騷屑閣筆雲尖催落日舊婀娜處打陀羅蟠窟  
根窠猶彷彿再拜先生願乞靈芳種還銜鴻鵠吻生子銜來  
定鴻鵠曉簷花睡栗留啼新枝重艷峩峩月  
坡句

初食芋

八月蹲鴟掘漸多青芒鞋底費按抄未憐雪壓類黃獨  
猶惜雨敲同綠荷忽薦一盂香已濫爭擒雙箸滑無邨  
早來馬蹟山僧約謂湘雨折脚鎗煨待我過

與鳧令

之子棲遲處雲溪水閣頭微吟聊過日小病正宜秋展  
卷墮黃葉掀簾飛白鷗是問將息好且莫問征裘

淮陰官舍夜渴得茶字

月窗吟罷自嗟呀睡熟鸚哥不喚茶茶房懸一一樣金  
籠牢鎖著怪他偏自不思家秦吉了

樓東

珍珠一斛不須辭次第春風知不知正及海棠初睡醒  
梅花零落已多時

馬嵬

海棠睡去何時足空復黃鸝盡意號此際梅冤堪索笑  
君王惟對小紅桃

弔孔雀次家平原公韻

瘴水蠻山迷舊途襤褸風景倩誰扶斷冤叫月花同落



別恨埋雲草不枯即塵署之後園但博脫籠何惜死却憐窺沼  
已成孤金錢徧體等閑看輸與飛飛雙白鳧

卽事賦得桐葉坐題詩

片石桐陰占一枝搢頤搖膝坐移時煩襟乍脫秋來早  
吟筆頻乾月到遲且和綠蕉書恨字謾拈紅葉寄相思  
無端更憶江樓句強半心情似牧之

蒙陰道中口占

轉灣一帶是平蕪瘦婦當鑪喘似呼特地回頭語同伴  
可能調笑酒家胡

楊梅

罷遍烏絨小麥黃楊梅樹樹熟山莊涎垂紫顆堆盈盎

齒沁紅漿怕黥裳下酒莫嘲桑甚醉入宮不讓荔枝平  
樓東亭北爭相妬風味依稀好紐嘗

自笑

自笑年來况味窮絲絲短髻已飄蓬差堪慰我惟紅友  
並不憐人是碧翁長夜邀愁消索莫暫時留病護疎慵  
詩瓢拋撇知何處辜負花梢幾信風

偶遣

南雲北鴈兩飄搖落托心情不自料草是愁苗禁雨攪  
蜂爲吟伴任花邀鑄成杜牧狂何惜繡出平原恨也消  
欲問江頭去來路夢中煙景正迢迢

贈赤鬼

蒜服令子



爾是天家獻瑞來  
卯君才調定應推  
此時濠上初營窟  
他日燕山擬築臺  
犬子會邀梁苑去  
虎兒應共月宮回  
著鞭轉眼騰千里  
未許聲名讓阿堆

燈下

夜長如年真索莫  
擁鼻支離數更柝  
一宵風信幾番番  
坐守燈花自開落  
嘹唳哀鴻天外急  
愁腸頓向燈頭結  
冷焰微微似不禁  
尖風故爲吹明滅

與月采夜話

回首江天夢已迷  
今朝多事又重提  
秋蠅不道能餐墨  
春燕如何也泥泥  
爲我割愁應有劍  
替他刮目恐無篋

疎枉莫道無中用  
已博風前一笑齊  
嚼雪餐松也療饞  
強將世味別酸醎  
侵凌疎忽皆棋敵  
束縛顛狂盡酒監  
此日心知餘短劍  
從今生計托長鑱  
江頭湖尾儘閑曠  
容得條然一布衫

閑步大明湖邊

獵獵西風過短橋  
秋鶯一語送無聊  
真成薄命惟楓葉  
儘耐相思是柳條  
小雨乍教山杏杳  
亂雲不放水寥寥  
濟南一片江南景  
端爲離人著意描

席上與趙生

可是鈿蟬老曲師  
清狂癖唱裊晴絲  
一聲格轉如鶯滑  
伏殺當筵小嫵兒

妓名



心灰撥盡淚痕新我是江南薄倖人  
聽到楚江情一折  
丁香枝下一沾巾

夜席

泥飲好春天嘲轟笑語連人圍燈焰直花匝酒巡圓  
摸曲偷新拍闌題分小箋累他梁上燕徹夜不成眠

趙霽生招飲南郊卽事疊來韻二首

丁子花開三月天矮箋催促到花前  
別無生客休爭坐  
忽出新詩共簇肩  
帶雨入林沾酒旆  
柔風穿竹遞茶煙  
此間曾坐江南客爲向闌干細刻鐫

微酣堪抵薄寒天  
茶椀詩筒取次前  
倚定棋枰爭一角  
拈來葉子鬪雙肩  
未經綠暗梨飄雪  
已過清明柳試煙  
莫怪東風若刀利  
花花葉葉是新鐫

歎芭蕉

展簾分箋有幾番  
入秋無事不闌珊  
未經雨滴心原碎  
一任風繙卷自殘  
漠漠情懷同棄扇  
些些紕繆欲凭闌  
嗟予也自飄零  
客獨自愁吟  
獨自看

懷東楚

紅牙翠管聒清秋  
丈有孤牕一段愁  
落葉只禁遊子意  
斷鴻如說故人愁  
陶君形影相投贈  
白傅心身自唱酬  
最是不忘腸斷處  
頰桐枝下月如鈎

有感

踪跡年來大不聊  
閉門何處更吹簫  
禰衡落魄三重閣



杜牧消魂廿四橋一點青燈仍悄悄無邊黃葉又蕭蕭  
多生剩有判花恨幾尺秋衫淚未消

卽席

點燈鋪席夜相呼鍵館容開似放舖火鑠月光無處著  
酒熏花態不禁扶戶低易與翻招敵籌并難消且積逋  
得趁逃杯歸去早短檠猶漾竹窗孤

秋千

判嬌弄隱蕩春愁新杏梢頭去復留纖柳鶯兒縣柳線  
穿簾燕子踏簾鈎袴花綻日渾無奈裙蝶顛風不自由  
香褪力微釵半墮曹騰歸臥小紅樓

行飯

行飯東園去溪灣短約橫秋鶯可憐子風柳太憨生赴  
竹編花柵依簷結豆棚此問堪倚徙引步忽詩成

花朝初祀浣花先生

飯顆誰嘲大瘦生浣花人與百花新一尊先爲花神壽  
今日煩君作主人

牙盤傳說獻神明色色厨娘表至誠偏有小童偷問客  
上頭菩薩是何名

爛熟河豚滑玉匙新抽燕笋攪銀絲總然不敵江瑤柱

也要先生一朵頤

用參寥子與東坡論杜語

騷壇儀注薄雷同採取諸生議論中莫笑顛狂詩酒客  
居然都是叔孫通



瓣香從祀玉溪生禮數推排豈等儔  
跋扈飛揚相對飲  
商量還捉酒仙人

要眇歌音解侑觴  
匆忙舞燕學趨蹌  
塔前酒食還須設  
賜與獠奴阿段嘗

拍張賭酒蠟燈紅  
盧雉呼來稱意逢  
自有先生驅使在  
不愁骰子不玲瓏

是日擲采  
無不稱意

百花生日記今辰  
歲歲當花進一觥  
記取阿儂生日日  
也將湯餅薦先生

下會約于上  
門節于誕辰

訪橫山蕭綱侯留贈

橫山一帶繞橫塘  
白灼紅扉記小莊  
可怪此間松石意  
千年猶媚老蕭郎

送蓀服之虞山次香草生韻

人當小別倍無悰  
懊惱雲山三兩重  
幾日夢隨雙槳急  
多時門借一丸封  
柳容先我開眉鎖  
鶯意遲君試舌鋒  
料理苾鞋并蕉箑  
顧家山上漾輕容

端四日玉川初度

歌筵窈窕雜箏琶  
那比閑常一部蛙  
爛熳戎葵好天氣  
要人深勸石榴花

簇簇菖蒲欲剪時  
丹砂新樣縷桃卮  
祝君不用題黃絹  
幼婦明朝進色絲

贈周學博初度

位置先生但一氈  
常州學舍小如斜  
風屋裏留蘇轍



細雨燈前說鄭虔盡日移談柳樹一今朝進酒桂花前  
後堂樂府應駢集豈爲諸生罷筦絃

廣陵濤信欲排空學海人披大國風九十秋光收硯北  
二分明月在尊中青精飯煮由來足碧澗芹餐豈未豐  
祝爾好拈都講語堂前三鱸卜三公

小瞻兄別業採秋花數十種因餉道柔靖元雲  
湘蓼庭學人

七十園翁無所求自言身老爲花留正聞蟲語增花嘆  
却怪人來與蝶謀櫻拂靜披香滿握荔衣親攬錦成兜  
殷勤持贈悲秋客與我平分一掬秋

憶聖度弟

憶弟看雲月正殘荒寒村寄一身單家貧失學從來易  
年少依人到底難竹屋夜缸吟慘淡蒲溪秋草夢闌珊  
文成憐爾多攻苦一倍相思靜倚欄

社集餞湘雨和尚之楚兼送蓀服北遊

止酒行茶半畝宮樓亭清散類孤篷愁分代北秋雲外  
詩在湘南暮雨中摘遍園蔬充白小折殘堤柳怨黃公  
征鴻別燕匆匆意望斷江天一席風

聯句

四月十九日芋莊香草堂燕集偶檢案頭元人集  
有玉山草堂主人顧仲瑛宴客楊維禎輩於浣花  
館聯句二十四韻時祀少陵先生喜其適相符也



酒酣依韻和之海棠顛董大仙爲之書

晴日驗遨頭蜀人白首未見浣花日雨清歡不衷甲嵌石旒蘭荃明

吳百甕響茗雪罄縣書則擁潘膝容斗非狹坊認碧雞

行陳潭想金蓮插任氏浣衣生蓮事蕉濃薤簞鋪方薇弱湘籬

夾拯世慨八厨董大倫鑑人啓七匣爽襟颺風濠徐永宣渴

筆過雨霎文賢是誰雕香盟血何須曉晚笋媚青甕玠

早榴迎白袷杯承鶯語流鍊席換花陰壓味輕牛炙心

辰暑惜羊熟胛看平聲盤殘櫻存大倫添飢新梅搯說餅玉

灣環永宣加飯珠淘雨相逢豈聚蚊興到且塗箒香庭閑

竹自籟徑深雲易溼沾唇弄藏爨玠卸衫却圍珥約臂

闢韻經撥鏡辨戈法鍊箋向枇杷搜亭取滄浪呷蜀人

傾城遊宴少陵先古詞中散彈新謳李摹摩辰柳路不

跟踰風床任駒駘今夕共婪杯來朝定飛札大倫客母虱

其筵藁必驢所笈平生厭陝輸至竟疎串狎風雅會有

晴蘿彼葵丘軟永宣

亦鴻軒聯句

聊暇以逍遙僮荷况有鋪董大倫不速興已乘斯在靜而

恰胡香相箔四嬋娟風爐一颺颯呂光皴石薄游鱗瘦

儿承古鴨大倫絹拂桃花窗唐子畏畫東坡著展圖笄江上題又董華亭大幅皆神品

也屏響眉山屨香張琴得稽阮展軸存董笄光頭藉茶

香扶肩與柳昂然韓鬪雞許事沈食蛤香但借

酒行軍且住綦笮劫光衆綠既周身小紅又承曉大倫



榴態何驕黃楊氣微惜香進梅日隻千數桐月再卅存

竹笑啓吟懷蘭語絕間大籬外有延之坐次無到

香羽吳晷鉢響醒眾麗光未曾卅後豈用催鴨

鳩倫大觥錄小糾愆詩墀偶承乏香盟息黃池爭典剏杜

陵光裕孝毛拂菲花浴硯供蕉葉倫片雲催丈溝半雨

瀉巫峽香覩情獨繭繅吮句文魚吐光幽事錦裙徵強

韻矛頭押倫大何曾行馬貴合有勝衣怯香清暑或重過

蕭晨聽櫻鞞光孝

梅坪詩鈔卷三終

我在昭陽  
梅坪詩鈔  
卷三終

六逸詩話

顧寧人曰起文行身甚狷文筆甚狂其稱詩自三百五  
篇後變為離騷學者讀此可矣漢晉下屏弗觀惲素田  
嘗指其飲酒諸詩歎曰正叔正叔今在下風矣然正叔  
落筆如子山詞賦蕭瑟江關昔人所謂文字外別有一  
物主之非大地歡樂場中仿倣俳倡郎當舞袖

錢飲光曰南田題畫云筆端點點俱通元氣又云十指  
以外化工俱為長物是其意匠慘澹可謂良工心苦矣  
蓋耳目之欲接則敗其思蚊蚋之聲聞則挫其精彼夫  
庭可以搏鼠者惡能與我歌哉故知南田畫者當與讀  
南田之詩



王阮亭曰故友董文友有子曰叔魚所作賣蔗童子歌  
和東坡九日黃樓詩句鏤字琢頗具苦心不愧名父之  
子

朱竹垞曰曩子和宋漫堂節使論畫絕句十二首其九

章云巨幅鸞鳳細草蟲長留風露濕花叢時人罕睹藕

漁筆止說王郎武憚老壽平工意謂兩高士擅長花卉

翎雀不愛寫山水後見邵子湘談正叔小時流離瑣尾

以畫釵得生遂創沒骨花一派賣畫養父無愧白華孝

子予頗悔前詩之失又怪漫堂與正叔交最久其亾後

哭之以詩所云吳下風流逝水多兼悼汪鈍翁王勤中

也顧其論畫二十六首不及正叔而甚稱王翬殊不知

詩與跋根據書史王自非憚敵也正叔名格字壽平迨

畫花木奉其尊人遜庵先生命以字行今流傳畫本無

署原名者又字正叔別字南田子湘云

朱竹垞曰歲在辛酉予典江南秋試風簾燭影中得一

卷文甚雅健第二場表復工絕已置領解七日矣外簾

送三場卷垂盡而是卷不至隨書所編號促之而監臨

覆云已失矣予驚惋爲之泣下遂以胡任輿卷置第一

榜旣放匆匆北上無從知此卷姓名然予愛其文錄之

以畱行篋甲戌秋徐學人訪予梅會里夜闌酒罷出篋

中所錄遺卷示學人學人曰吾師陳某之文也予驚喜

出望外學人別去三月郵寄西林詩二十卷古文十六



卷且以書來乞余序余惟近世士人專攻制義於詩古文苗髮不以分力故工之者絕少今陳子古文得其鄉先生唐應德遺法詩則由香山義山溯源少陵信其必傳於後後之讀者當以予賞音爲不謬也乃書其卷首而歸之

錢澗靈曰楊起文門人競學其詩刻意求肖予聞之不免失笑昔何文纘嘗語李漢老云如子厚詩人豈可不學他作數百首漢老退而歎曰得一二首似之足矣吾恐學起文詩者爲畫虎續也

陳其年曰昔人謂老杜衡州詩悠悠委薄俗鬱鬱同剛腸一語甚悲又謂韓詩醕酏馬上知爲誰用意哀怨過於痛哭起文短歌行毋乃類是

孫松坪曰昨自蓀服寓齋携歸梅坪詩一帙歎爲驚彩絕艷語云美人無韻謂之視肉叔魚詩殊不然譬之花有帶露之光月有帶水之光劍有出匣之光美人有垂簾之光雖處幽暗而光氣音韻愈不可掩

姚綏仲曰正叔出處絕似無本而詩故與月泉吟社相類其詠梅曰可憐雪霰相催急纔到春風已白頭可想見其憔悴枯槁已乃骨性殊傲昨過吳門見所畫松題曰松老不修容任百卉顛倒太虛亦不借韻於風煙雲月不獨詩畫傳世其位置亦不在王冕沈周下

周桐野曰香草堂詩善殺縛故事又喜鎔兩三事在一



六逸詩話  
三  
句中如無縫天衣滅盡針綫襞績爲騷壇別開奧窔亦  
宇宙間琳琅金薤也

姜西溟曰叔魚詩新穎沉鬱突過乃翁昔人稱王獻之  
善隸彙骨勢不及父而媚趣過之吾謂梅坪過正誼堂  
正在骨勢也

徐大臨曰有監司某延南田畫偃蹇不卽赴後迫致蘇  
州拘係聽事明旦將辱之一急足疾走至婁水乞援時  
已抵暮吹燈矣今相國顓庵先生聞之以指擊案曰馬  
最速舟爲次遽跨馬以竹竿挑燈縛僕背上去五鼓達  
郡城下門者尙未啓有頃入城直造監司署力爭以釋  
今東南大夫士侈爲美譚昔倪高士瓚遇俗吏拳加顓

頰聲色不動其友詰曰盍不一理說瓚曰開口便俗事  
與此相類然未聞篤於友朋如王相國爲之解懸者頃  
閱南田集見其別相國詩云落拓浮家仗友生因記此  
事於卷左

王樓村曰芭野咏三國古蹟如霜曉鯨音流響自遠  
查夏重曰嘗讀孟郊詩謂惡詩得好官好詩抱空山以  
爲此特不平之鳴耳閱香草集乃信東野爲知言顧詩  
能傳後與否不係乎境遇之通塞顯晦芋莊既有自到  
自信處且有良友共証處雖抱空山庶幾其無悶已  
王耒渠曰芭野詩如學林之虎文淵之鯨凌厲頓迅鼓  
行無前貫酸齋輩華者或流於穢薩天錫輩清者間失



之弱芑野無是也  
張日容曰王麓臺少司農亟稱南田詩字不置匪直繪  
事遠紹北宋徐氏也燈下讀南田詩竊歎義心苦調淒  
淒然橘頌之遺音而鏘洋宵渺一二題畫么篇足令古  
人歌笑出地

顧俠君曰杜以詩爲文韓以文爲詩昔人謂工部爲詩  
史又謂吏部以六經之文爲諸生倡不徒熟精文選也  
西林貫穿註疏復以餘力研索漢魏六代造北征淮西  
之堂而齊其馘乃更漁獵三唐兩宋慕廬先生愛其詩  
謂能化故爲新點俗成雅墨工槧人難乎擬議已  
杜紫綸曰高僧傳云谷之傳聲語雄而響厲然高者硯

而下者肆陂者散而險者歛侈者筴而弁者鬱均未可  
以道古也芑野體物瀏亮鏗鏗然聲應金石其與牛鐸  
細響正自判然

陳求夏曰先子其年先生與董丈文友爲莫逆交故其  
兩郎君皆予垂髫友也叔魚難兄漢求著楸巢集詩一  
帙如云曉雪空階畱鳥跡春風小徑度花香引客山僧  
歸別院避船江鳥入斜陽閒鷗春水新儕伴老樹秋山  
古畫圖疊石平分三峽影種花勻發四時香綽有風趣  
至其春暮詩啼殘碧樹鶯聲老飛遍青樓柳絮繁方之  
梅坪集中日暖蜂兒羣作活春深燕子各當家確在伯  
仲間惜全橐已佚漢求名大儒又名相小字牽牛



鄒訐士曰南田五言古體上齋離騷中參蘇李下括建安七子猶路叢出於土鼓篆籀生於鳥跡七言古體追逐青蓮又復酷肖奉禮五律專師浣花絕句脫然畦封直與龍標諸賢白戰於變風境上而莫之雌雄者

莊雲湘曰宋景濂評胡仲申詩簡奧不煩而動中繩墨如夏圭商敦望而知其非今世物也予閱起文集似讀九辨諸篇目所見耳所聞都非我有身猶枯枝迎風蕭聊大類不食煙火人語豈漢魏以下操觚家所能望其項背

陳西林曰宋山言讀梅坪集愀然曰此子恐不永年叔魚既死予序其詩竊謂詩思纖穎不幸短命使宋子負

知言之名悲夫

錢綱庵曰靖元跣跋藝苑飛揚碑碣之氣如河朔少年克悅忼健又如新就銜馬步驟通都愈見輕快

唐益功曰西林父子代爲經師其論文說詩貴在言有物而辭無枝葉大要意爲主氣爲輔詞爲衛不則北固樓臺揚州燈火與莊客牙人語何異

陳曾起曰芋莊貧甚而衡門樂饑不廢吟歎與之飲喜把銀盞謂酒色勝於瓷杯昔王岐公詩喜用金玉珠璧以爲富貴其兄謂之至寶丹芋莊嗜銀盞毋亦詩丹之亞歟

錢訥關曰許彥周謂詩壯語易苦語難余讀西林律詩



身在渾疑淚結成較潘黃門長簾竟牀空元相國針綫  
猶存未忍闕更酸楚十倍至如古詩一笑謂妻子安貧  
古人情強顏實懷慚振以商歌聲乃在愁苦中作壯語  
然亦彌見其工於苦語也

楊乘萬曰昌黎記夢詩六字常語一字難黃魯直云此  
乃作詩之法反諸三隅夫豈獨七字爲然哉五言亦爾  
也先師西林陳先生洽聞周見出語都有據依下字復  
有力所謂射較一鏃奕角一著勝人處固不在多

楊若游曰先大父秋屏先生守江州時芋莊詩老在幕

極江山唱酬之樂

一日

卓午芋莊猶蒙被未起先大父

至書室竊視案陳古風橐一篇絕勝有塗改字體幾

不可辨蓋芋莊書甚古作草尤似史籀非有意爲蟲魚  
科斗之文而體與繆篆相近今詩橐非手錄淨本每行  
率有一二字不可識又其論詩喜右山谷謂寧僻毋俗  
故往往愛使僻事獨先大父一見能識之案上橐爲易  
兩字出戶去不欲醒其睡也此事故老猶能言之讀香  
草集謹誌卷尾

莊書田曰芋莊詩不自收束而意頗矜慎茲帙所登不  
過什之三耳庚午辛未間余讀書城東之太平寺以只  
可編就正芋莊丹黃不倦復綴以詩曰刻翠雕香自綺  
年玉溪溫段敢齊肩集名錯署陶弘景詩史應傳白樂  
天掣去鯨牙滄海碧探來龍領夜珠鮮不嫌老馬無岐




路尚有雙瞳夾鏡圓乙酉入都只可編舟中失去而芋  
 莊詩猶在齒頰今昔之感不禁泣然  
 莊書田曰南田詩宗李義山字本褚河南而藻逸天成  
 痕迹俱化此詩字之善於隱形者  
 詩僧湘雨曰西林詩本之六經三史如百鍊精金非鋤  
 鉞可混

後學

莊杜芬寓庸

徐梅思肖

輯錄





卷五